

易

林

冊三

易林卷第九

二二二乾上艮下遯

三塗五岳陽城太室神明所保獨無兵革

二塗山名在河南伊闕縣五岳泰山為東岳衡

山為南岳嵩山為中岳華山為西岳恆山為北

岳陽城山谷名在嵩山下太室山名

之乾

軟弱無輔不能自理意在外野心懷勞苦雖憂無

始

無註

坤

周成之隆刑措無凶太宰讚右君子作仁

史記周成康之際天下太平刑措四十餘年不

用太宰周公也

屯

穴有孤鳥坎生蝦蟇象出萬里不可得捕

無註

蒙

俱為天民雲過吾西伯氏嫉妬與我無恩

無註

需

三首六目政多煩惑臯陶瘖聾亂不可從

未詳

訟

德積不輕辭王鈞耕三媒不已大福來成

呂氏春秋太公鈞于滋泉孟子曰伊尹耕於有莘之野三媒即三聘

師

堅固相親曰篤無患六體不易執以安全兩師駕西濡我轂輪張伯李季各坐闕門

無註

比

方內不行輻摧輪傷馬楚蹠甚受子閔時

無註

小畜

畜牝無駒養雞不雛羣羊三歲不生兩頭

未詳

履

老耄罷極無取中直懸輿致仕得歸鄉里

漢薛廣德乞骸骨懸安車以致仕

泰

縮緒亂絲手與為哭越畝逐兔斷其禪襦

無註

否

海老水乾魚鱉盡索藁落無潤獨有沙石

無註

同人

入市求鹿不見頭足終日至夜竟無所得

無註

大有

築門墮戶虎臥當道驚我驂騑不利出處

無註

謙

陶朱白圭善賈息資公子王孫富貴不貧

陶朱即范蠡遊江湖變姓名稱陶朱公白圭名

丹周人史言能薄飲食忍嗜欲二人善賈貨生

息資財以致巨富

豫

王良善御伯樂知馬周旋步驟行中規矩止息有

節延命壽考

易

林卷九

二一中華書局聚

隨 王良古之善御者伯樂古之善相馬者

堯問伊舜聖德增益使民不懼安無悚惕

無註

蟲

昭公失常季氏恃狂遜齊處鄆喪其寵身

春秋昭公二十五年九月戊戌伐季氏叔孫氏

孟氏救之三家反攻公己亥公孫于齊次于陽

州二十六年三月公至自齊居于鄆三十二年

薨于乾侯

臨

昏暮不行候待日明從住止後未得相從

無註

觀

安上宜官一日九遷升擢超等牧養常山

漢田千秋一日九遷其官牧養常山未詳

噬嗑

去惡就凶東西多訟行者无功

無註

賁

老馬垂耳不見百里君子弗恃商人莫取無與爲市

無註

剝

蝸螺生子深目黑醜似類其母雖或相就衆人莫

取

無註

復

百足俱行相輔爲強三聖翼事不見寵光

三聖堯舜禹也

无妄

容民畜衆履德有信大人受福童蒙憂惑利無所

得

無註

大畜

左跌右僵前躓觸桑其指據石傷其弟兄老蠶不

作家無織帛貴貨賤身久留連客

無註

頤

昏人宜明賣食老昌國祚東表號稱太公

太公嘗屠於朝歌後遇文王立為師尚父封國於東齊

大過

弊筍在梁魴逸不禁漁父勞苦藏空乾口

弊壞筍罟詩人以弊筍不能制大魚魴鰈大魚也

坎

盛中後跌衰老復掇盈滿減毀疾羸肥脂鄭昭失

國重耳與立

春秋魯桓公十七年鄭高渠彌弑昭公而立公

子亶又僖公二十四年晉文公入國使殺懷公

于高梁遂立而霸諸侯

離

折亡破甕使我困貧與母生分別離異門

無註

咸

野有積庾穡人駕取不逢虎狼暮歸其宇

無註

恆

襁褓孩呱冠帶成家出門如賓父母何憂

無註

大壯

陳力就列官職並廢手不勝益失其寵門

無註

晉

積雪大寒萬物不生陰制庶士時本冬貧

無註

明夷

龍鬪時門失理傷賢內畔生賊自為心疾

春秋昭公十九年鄭大水龍鬪于時門之外洧

淵國人請為祭焉子產弗許曰我鬪龍不我覲

也龍鬪我獨何覲焉禳之則彼室也吾無求於

龍龍亦無求於我乃止

家人

狗畏狼虎依人為輔三夫執戟伏不敢趨身安无

咎

無註

睽

南山高正回隕難登道里遼遠行者無功憂不成

凶惡亦消去

易

林卷九

四一中華書局聚

正音岡隕音類

蹇

逢時陽遂富且尊貴

無註

解

求我所欲得其利福終身不辱盈盛之門高屋先覆君失邦國

無註

損

安坐至暮禍災不到利詰姦妖罪人弗赦

無註

益

膠車駕東與雨相逢五稜解墮頓轉獨宿憂為身

禍

詩云五稜梁駟註云五五束也稜歷錄然文章之貌以皮革五處束之其文章歷錄然也駟車

轅也

夬

擇日高飛遂至東齊見孔聖師使我和諧

無註

姤

陳嬀敬仲北興齊姜乃適營丘八世大昌

按春秋傳陳嬀姓敬仲即陳公子完魯莊公二十二年奔齊使為工正初懿氏卜妻敬仲曰有嬀之後將育于姜八世之後莫之與京姜齊姓營丘齊所封之地

萃

缺埒無墀難從東西毀破我盆泛棄酒食

埒音劣墀音善

升

中夜狗吠盜在廬外神光祐助消散解去

無註

困

雷車不藏隱隱西行霖雨三旬流為河江使國憂

凶

無註

井

老河虛空舊井無魚利得不饒避患東鄰禍入我

門使我悔存

無註

易

林 卷九

五 中華書局聚

革

福德之士權悅曰喜夷吾相國三歸為臣賞流子孫

夷吾齊相管仲也三歸臺名婦人謂嫁曰歸一娶九女而備三姓

鼎

清人高子久屯外野逍遙不歸思我慈母

高子高克也詩云清人在彭駟介旁旁註云鄭文公惡高克使將清邑之兵禦狄于河上久而不召師散而歸高克奔陳鄭人為之作此詩也

震

驄驕黑鬣東歸高鄉白虎推輪倉龍把衡朱雀道引虛鳥載遊逐扣天門入見真君馬安人全

驄音葛鬣音宗

歸妹

小阪之市利不足喜二世積仁蒙其祖先匪躬之言狂悖為患

無註

漸

端坐生患憂來入門使我不安

無註

艮

路多枳棘步刺我足不利旅客為心作毒

無註

豐

登高望時見樂無憂求利南國與寶相得

無註

旅

疏足息肩有所忌難金城鐵郭以銅為闕蕃屏自
衛安上無患

漢關中金城千里天府之國也

巽

江有沱泥思附君子伯仲受歸不我肯顧姪娣悔
恨

泥當作汜詩云江有沱之子歸不我過不我過
其嘯也歌又云江有汜不我以不我以其後也
悔按詩傳水決復入為汜今江陵漢陽安復之
間蓋多有之沱江之別者之子媵妾指嫡妻而
言也婦人謂嫁曰歸我媵自我也能左右之曰
以謂挾己而偕行也是時汜水之旁媵有待年

易

林卷九

六一中華書局聚

於國而嫡不與之偕行者其後嫡被后妃夫人之化乃能自悔而迎之故滕見江水之有汜而因以起興言江猶有汜而之子之歸乃不我以雖不我以然其後亦悔矣也

兌

牙孽生達陽倡於外左手執籥公言錫爵

詩云左手執籥右手秉翟赫如渥赭公言錫爵按詩傳籥如笛而六孔或三孔翟雉羽也執籥秉翟者文舞也公言錫爵即儀禮燕飲而獻工之禮也

渙

雲夢苑囿萬物蕃熾犀象瑋瑁荆人以富

荊州有澤藪曰雲夢方八九百里

節

渠戎萬里晝夜愁苦橐甲戎服雖荷不賊鷹鷂之殘害不能傷

無註

中孚

鑑基逢時稷契臯陶貞良願得微子解囚市空無

虎謾誕妄語

孟子曰雖有鉞基不如待時書舜典稷播百谷
契敷五教臯陶明刑微子紂庶兄也

小過

騎騅與蒼南賈太行逢駁猛虎為所吞殤葬於渭
陽一本有又害不傷

無註

既濟

出門東行日利時良步騎與駟經歷宗邦暮宿北
燕與樂相逢

無註

未濟

酒為懽伯除憂未樂福善入門與君相索使我有
得

無註

三三二震上乾下大壯

左有噬羆右有噬虎前觸鐵矛後躡強弩無可抵
者

無註

之乾

金齒鐵牙壽考宜家年歲有儲貪利者得離其咎

易

林卷九

七中華書局聚

憂

無註

坤

家給人足頌聲並作四夷賓服于戈囊閣

書明王慎德四夷咸賓史記武王勝殷包藏弓

矢戢弭干戈以示弗用也

屯

獼猴冠帶盜載非位衆大嘈吠狂走厥足

無註

蒙

心患其身不念安存忠臣孝子為國除患

無註

師

鹿下西山欲歸其羣逢羿鋒箭無於矢端

羿古之善射者

訟

東行西窮南北無功張伯賣鹿從者失羊

無註

需

君不明德臣亂為惑丞相命馬胡亥失所

按秦紀趙高欲爲亂恐羣臣不從乃先設驗以鹿獻於二世曰馬也二世笑曰丞相誤邪謂鹿爲馬問左右或默或語高陰中諸言鹿者用法繩之後羣臣皆畏高此言人君之德不明爲姦臣之所惑亂胡亥之於趙高是也

比

明夷北初二日爲災以讒後歸名曰豎牛剝亂叔孫餒卒虛丘

餒當作餒春秋成公十六年魯穆子去叔孫氏奔齊及庚宗遇婦人宿焉生子曰牛復歸魯立爲卿使牛爲豎有寵長使爲政牛不食叔孫遂餒而卒

小畜

秦失嘉居河伯爲怪還其御璧神怒不祐織組無文燒香弗芬

按秦紀使者從關東夜過華陰平舒道有人持璧遮使者曰爲吾遺瀉池君今年祖龍死使者問其故因忽不見置其璧去使者奉璧具以聞始皇使御府視璧乃二十八年渡江所沉之璧也此言始皇將終江神以璧遺瀉池之神以相

告

履

德至之君禍不過鄰使我世存身無患災

無註

泰

衆惡之堂相聚為殃出毒良人使道不通

無註

否

三癡六狂欲之平鄉迷惑失道不知昏明

無註

同人

老弱無子不能自理郭氏雖憂終不離咎管子治

國侯伯之服乘輿八百尊祀祖德

管子即管仲相桓公霸諸侯

大有

褒后生蛇經老皆微追跌衰光酒滅黃離

褒后即褒姒初夏后氏衰有二龍降于庭卜藏

其釐自夏商莫敢發周人發之釐化為玄龜後

宮童女遭之而孕無夫而生子懼而弃於路人

哀其夜號而收養之逸於褒褒人有罪進是女

於周幽王寵之號曰褒姒索隱曰玄龜蜚蜴也
褒后之生蓋出于此

謙

驄驄黑鬣東歸高鄉白虎推輪蒼龍把衡逐至夷
傷不離谷歿

驄音葛鬣音宗

豫

信譎龍且塞水上流半涉決囊楚師覆凶

按史韓信攻齊項羽遣龍且救之夾濰水而陳
信令萬餘人囊沙壅水上流引軍半渡擊之佯
不勝走還龍且追信信急遣人決壅水大至且
軍大半不得渡信急擊殺且

隨

莘季女為王妃后貴夫壽子母字四海

按本紀鯀取有莘氏女謂之女志是生高密宋
衷云高密禹所封之國也

蠱

德被八表蠻夷率服蝥賊不作道無苛慝

無註

臨

易

載日精光驂駕六龍祿命徹天封為燕王

未詳

觀

纓急縮頸行不得前五石示象襄霸弗成

春秋僖公十六年正月戊辰殞石于宋五註云

石者陰德之專也宋襄欲行霸事卒以五年見

執如五石之數也

噬嗑

蛇失其公載麻當喪哀悲哭泣送死離鄉

無註

賁

回隕不安兵革為患掠我妻子客屬飢寒

無註

剝

乘風兩橋與鳥飛俱一舉千里見吾愛母

無註

復

雷霆所擊誅者五逆磨滅無迹有懼方息

無註

无妄

張氏揖酒請謁左右王叔枯槁獨不蒙所

無註

大畜

坐爭立訟紛紛匆匆卒成禍亂災及家公

無註

頤

霜降閉戶蟄蟲隱處不見日月與死為伍

無註

大過

鼠聚生怪為我患悔道絕不通商旅失意

無註

坎

寒暑不當軌度失常一前一後年歲鮮有

無註

離

築室水上危於一齒丑寅不徙辰卯有咎

無註

咸

畜雞養狗長息有儲耕田得黍王母喜舞

無註

易

林卷九

十一中華書局聚

恆

東壁餘光數闇不明主母嫉妬亂我業事

東壁星名

遜

剛柔相傷火爛銷金鵬鷹制兔伐楚有功

未詳

晉

鄭國讒多數被楚憂商人愁苦民困無聊一本云

三豕俱走鬪於虎口白豕不勝死於坎下

春秋魯僖公元年楚伐鄭二年楚又伐鄭蓋鄭

當晉楚之間無歲而不被兵也

明夷

弓矢其張把彈弦折丸發不至道過害患

無註

家人

舉觴飲酒未得至口側弁醉酗拔劍相怒武侯作

悔

詩賓之初筵衛武公飲酒悔過而作其詩云側

弁之俄

睽

原本空文

蹇

穿空相宜利倍我北循邪詭道逃不可得南北望
邑遂歸入室

無註

解

壽如松喬與日月俱常安康樂不離禍憂

赤松王喬皆古仙人名

損

出門望東伯仲不來疾病為患使母憂歎

無註

益

大姒之孫周文九子咸遂受成寵貴富有

詩曰太姒嗣徽音大姒文王之妃武王之母也

春秋傳曰武王同母弟八人并武王為九也大

姒教誨諸子自少及長未嘗見邪僻之事及其

長文王繼而教之卒成武王周公之德故云咸

遂受成寵貴富有也

夬

桃李華實累累日息長大成熟甘美可食為我利

福

易

林卷九

十二中華書局聚

無註

妬

昏禮不明男女失常行露反言出爭我認

詩厭浥行露豈不夙夜謂行多露又誰謂女無

家何以速我訟註云南國之人遵召伯之教服

文王之化有以革其前日淫亂之俗故託以行

多露而畏其沾濡也

萃

空穿漏弊破桴殘缺陰弗能完瓦碎不全

無註

升

數窮廓落困於歷室往登玉堂與堯侑食

按史舜微時耕於歷山堯舉而任之加諸上位

困

道濕為坑輪陷躓僵南國作諱使我多畏

無註

井

鰥寡孤獨福祿苦薄入室無妻武子哀悲

按春秋魯襄公二十五年崔武子欲娶棠姜筮

之其繇曰入其宮不見其妻凶

革

舉被覆目不見日月衣衾杖机就其夜室

按史記越伐吳吳三戰三北夫差上姑蘇亦請成於越范蠡不可夫差曰吾無以見子胥為悞冒乃死

鼎

長尾踳蛇畫地為河深不可涉絕無以北惆然憤息

無註

震

晨風文翰大舉就温昧過我邑羿無所得

詩晨風篇云歟彼晨風鬱彼北林晨風鸚也羿后羿古之善射者

艮

出入節時南北無憂行者亟至在外歸來

無註

漸

陽氏狂惑季孫亂憤陪臣執政平子拘折我心不

快陽氏即陽虎季氏之家臣專政季孫即季孫氏

易

林卷九

十一中華書局聚

魯大夫陪臣家臣謂陽虎也平子季孫意如也
歸妹

五烏六鷗相對蹲跂禮讓不與虞芮爭訟

虞芮二國名相與爭田不決乃如周入界耕者
皆讓畔民俗皆讓長二人慚之乃不見西伯而
還感而相謂曰我等小人不可以履君子之庭
於是俱讓其田不取

豐

顧念所生隔在東平遭離滿沸河川決潰幸得無
恙復歸相室

無註

旅

追獵東走兔逃我後吾銳不利獨空無有

無註

巽

犬吠非主上下膠擾敵人襲戰閔王逃走

史記燕昭王伐齊戰于濟西齊師大敗閔王出
走

兌

嵩高岱宗峻直且神觸石膚寸千里蒙恩

白虎通云嵩高山者中央之岳獨加高字者何
中央居四方之中而高故曰嵩高五經通義王
者受命易姓報功告成必於岱宗也

渙

陳魚觀社佷荒踰矩為民開緒亡其祖考

春秋隱公五年公將如棠觀魚臧僖伯諫曰不
軌不物謂之亂政亂政亟行所以敗也公曰吾
將略地焉遂往陳魚而觀之莊公二十三年公
如齊觀社非禮也曹劌諫曰不可夫禮所以整
民也君舉必書書而不法後嗣何觀

節

四壁無戶三步一止東西南北利不可得

無註

中孚

求君衣裳情不可當觸諱西行為伯生殃君之上
歡得其安存

按春秋蔡昭侯為兩佩裘以如楚獻一裘一佩
於昭王自服其一子常欲之弗與三年止之蔡
人聞之固請而獻佩于子常遂歸蔡侯

小過

易

林 卷九

三 中華書局聚

春鴻飛東以馬賀金利可得深

賀音茂

既濟

禾生蟲蠹還自剋賊使我無得

無註

未濟

桀亂無道民散不聚倍室棄家逃遁出走

史記夏桀為傾宮瑤臺殫百姓之財湯伐之放

於南巢

三三三三坤下離上晉

銷鋒鑄耜休牛放馬甲兵解散夫婦相保

無註

之乾

一衣三冠無所加元衣服不來為我災患

無註

坤

百足俱行相輔為強三聖翼事王室寵光

三聖堯舜禹也

屯

魚蛇之怪大人憂懼梁君好城失其安居

春秋梁伯好土功亟城而弗處

蒙

少無強輔長不見母勞心遠思自傷憂苦

無註

需

前涉溽暑解不可取離河三里敗我利市老牛病馬去之何悔

無註

訟

君明有德登天大祿布政施惠以感恩福中子南遊翱翔未復

無註

師

曉然唯諾敬上尊客執恭除患禦侮致福

無註

比

黍稷禾稻垂秀方造中旱不雨傷風病藁

無註

小畜

二羸六罷不能越跪東賈失馬往反勞苦

易

林卷九

古中華書局聚

無註

履

倚立相望引衣欲莊陰雲蔽日暴雨所集降我歡

惠使道不通

無註

泰

高脚疾步受肩善趨日走千里賈市有得

無註

否

北風寒涼雨雪益冰憂思不樂哀悲傷心

詩云北風其涼雨雪其雱言北風雨雪以比國

家危亂將至而氣象愁慘也

同人

貞鳥鳴鳩執一無尤寢門治理君子悅喜

無註

大有

蓼蕭露瀼君子龍光鳴鸞雍和福祿來同

詩蓼蕭篇云蓼彼蕭斯零露瀼瀼既見君子為

龍為光又云和鸞雝雝萬福攸同言諸侯朝于

天子天子與之燕以示慈惠而作也

謙

南行求福與喜相得封受上賞鼎足輔國

無註

豫

桑華腐蠹衣弊如絡女功不成絲布為玉

無註

隨

左服易右王良心懽嘉利從己

詩大叔于田篇云兩服上裏註衡下來轅兩馬

曰服王良古之善馭者

蠱

壽考不忘駕駢東行之適陳宋南賈楚荆得利息

長旅自多罷畏晝喜夜

無註

臨

羔羊皮弁君子朝服輔政扶德以合萬福

詩羔羊之皮素絲五紵羔羊之革素絲五緘言

南國化文王之德在位皆節儉正直故詩人美

其衣服有常也

觀

易

鷓鴣徙巢西至平州遭逢雷電破我葦廬室家飢
寒思吾故初

無註

噬嗑

大尾小頭重不可搖上弱下強陰制其雄

無註

賁

疏足息肩有所忌難金城銅郭以鐵為關蕃屏自
衛安止無患

漢關中金城千里天府之國也

剝

天命玄鳥下生大商造定四表享國久長

詩商頌玄鳥篇云天命玄鳥降而生商古帝命

武湯正域彼四方

復

賊殺重數政為民賊杼軸空虛家去其室

賊殺當作賦斂詩小東大東杼軸其空杼持緯

者也柚受經者也

无妄

陰陽隔塞許嫁不答宛丘新臺悔往歎息

詩宛丘篇云子之湯兮宛丘之上兮洵有情兮
而無望兮又新臺篇云新臺有泚河水瀾瀾燕
婉之求籛篠不鮮此皆言淫荒昏亂而作

大畜

顧望登虛意常欲逃賈辛醜惡妻不安夫

春秋魯昭公二十八年魏獻子謂賈辛曰昔賈
大夫惡娶妻而美三二年不言不笑

坎

懸懸南海去家萬里飛兔騷髮一日見母除我憂
悔

無註

大過

信敏恭謙敬鬼尊神五岳四瀆尅厭帝心受福宜
年

無註

頤

跋行竊視有所畏避蔽目伏藏以夜爲利

無註

離

雖汙不辱因何洗足童子褰衣五年平復

易

林卷九

共一中華書局聚

未詳

咸

宮城立見衣就袂裙恭謙自衛終無禍尤

無註

恆

弊筭在梁不能得魚望貧千里所至空虛

詩敝筭在梁敝壞筭罟也言以敝筭不能制大魚焉

遯

千里駢駒為王服車嘉其驪榮君子有成

無註

大壯

鼎足承德嘉謀生福為王開庭得心所欲

無註

明夷

右手無合獨折左指禹湯失佐事功弗立

禹夏禹湯成湯也

家人

憂凶憎累患近不解心意西東事無成功

無註

睽

東行食榆困於枯株失妻無家志窮為憂

無註

蹇

五經六紀仁道所在正月繁霜獨不離咎

八五經五常六紀六德詩正月繁霜

解

懈緩不前愒怠失便二至之戎家無禍凶刻木象

形聞言不信

無註

損

仁愛篤厚不以所忿害其所子從我舊都日益富

有

無註

益

缺破不成胎卵未生弗見兆形

無註

夬

摧角不傷雖折復長秉德無騫老賴榮光

無註

易

林卷九

十七中華書局聚

姤

乘桴渡海免脫厄中雖困无咎

桴筏也語云乘桴浮于海

萃

孔鸞鴛鴦鵲鵲鵲鵲翱翔紫淵嘉木之圃君子以

娛

無註

升

衆來得願甘露温潤樂易君子不逢禍亂

甘露仁澤也太平之世則降

困

東騎墮落千里獨宿高岸爲谷陽失其室

無註

井

八才既登以成善功厖降庭堅國無憂凶

高陽氏才子八人厖降庭堅其二子也

震

白鳥銜餌嗚呼其子施技張翅來從其母

無註

艮

學靈三年聖且明神先見善祥嘉吉福慶餌吉知
來告我无咎

無註

革

邯鄲反言父兄生患竟涉憂恨卒死不還

涉卽陳涉涉嘗令陳人武臣徇趙地武臣到邯
鄲自立爲趙涉怒捕繫武臣家室後因柱國之
諫遂立武臣爲趙王武臣終於背涉竟死於莊
賈之難出陳涉傳

鼎

五銳鐵頤倉庫空虛賈市無盈與利爲仇

按韻註鍾口兩旁曰銑又云銑金之澤者鐵頤
未詳銳當作銑

漸

雲孽丞起失其道理傷害年穀神君之精

無註

歸妹

春耕有息秋入利福獻豳大縱以樂成功

豳風詩云三之日于耜四之日舉趾又曰九月
築場圃十月納禾稼四章曰言私其縱獻豳于

易

林卷九

六一中華書局聚

公註云縱一歲豕豢三歲豕也

豐

羸豕躑躅虎入都邑遮遏左右國門敕至一作敕急

無註

旅

東行西維南北善迷逐旅失羣亡我襦衣

無註

巽

居室之倫夫婦和親小人乘車石果失豢

石當作碩易剝之上九碩果不食君子得輿

兌

東方子孟春乘冰戴盆懼危不安終身所歡

無註

渙

風吹塵起十里無所南國年傷不可安處

無註

節

重載傷車婦失無夫三十不室獨坐空廬

無註

中學

販牛羸馬與利為市不我嘉喜

無註

小過

日出阜東山蔽其明章父薦屨箕子佯狂

父當作甫章甫禮冠屨履也商紂無道箕子佯

狂而為奴

既濟

出入門所與道開道杞梁之信不失日中少季渡

江來歸其邦疾病危亡

春秋魯襄公二十三年齊侯襲莒杞殖華還遇

莒子於蒲侯氏莒子重賂之請盟華周對曰昏

而受命日未中而奔之何以事君莒子遂獲杞

梁即杞殖也

未濟

邑兵衛師如轉蓬時居之危凶

無註

三三離下坤上明夷

他山之儲與璆為仇來攻吾城傷我肌膚邦家騷

憂

無註

之乾

踐履寒冰十步九尋雖有苦痛不為憂病

無註

坤

太公辟紂七十隱處卒遭聖文為王室輔

初太公隱居屠釣後遇文王以興周室

屯

日月之塗所行必到無有患悔

無註

蒙

諷德頌功美周盛隆日輔成周光濟冲人

詩雅頌周公所作日周公名相成王冲人成王

也書云惟予冲人弗及知

需

童女無室未有配合空坐獨宿

無註

訟

穿鼻繫株為虎所拘王母祝祠禍不成災遂然脫

來

無註

師

黃帝神明八子聖聰佚受大福天下平康

黃帝軒轅氏至高陽氏有才子八人天下謂之

八愷

比

深谷為陵衰者復興亂傾之國民得安息中婦病

困遂人冥室

人當作入

小畜

道遠遼絕路宿多悔頑囂相聚生我畏惡

無註

履

日樹菽豆暮成藿羹心之所樂志快心懽

無註

泰

切切之患凶憂不存虎不敢齮利當我身

無註

否

王伯遠宿長婦在室異袍恃食所求不得

易

林卷九

中華書局聚

無註

同人

寒燠失時陽旱為災雖耗無憂

無註

大有

雖窮復通履危不凶保其明功

無註

謙

狼虎所宅不可以居為我患憂

無註

豫

喋躡處曜昧冥相傳多言少實語無成事

無註

隨

履冰蹈凌雖困不窮播雀登巖卒無憂凶

凌陰冰室也

蠱

文文墨墨憂禍相雜南北失志東西不得

無註

臨

爭訟不已更相談詢張季弱日被髮北走

詢音詬

觀

德積逢時宜其美才相明輔聖拜受福休長女不
嫁後為大悔

無註

噬嗑

江水淹汜思附君子伯仲爰歸不我肯顧姪娣恨
悔

姪音迭詩云江有淹之子歸不我過不我過其
嘯也歌又云江有汜之子歸不我以不我以其
後也悔按詩傳水決復入為汜今江陵漢陽安
復之間蓋多有之沱江之別者之子媵妾指媵
妻而言也婦人謂嫁曰歸我媵自我也能左右
之曰以謂挾己而偕行也是時汜水之旁媵有
待年於國而媵不與之偕行者其後媵被后妃
夫人之化乃能自悔而迎之故媵見江水之有
汜而因以起興言江猶有汜而之子之歸乃不
我以雖不我以然其後也亦悔矣

賁

易

林卷九

三一中華書局聚

光禮春成陳寶雞鳴陽明失道不能自守消亡為咎

按秦紀索隱註曰漢書郊祀志云文公獲若石云于陳倉北坂城祠之其神來若雄雉其聲殷殷云野雞夜鳴以牢祠之號曰陳寶又臣瓚云陳倉縣有寶夫人祠歲與葉君神會祭于此者也

剝

驚虎無患虞為我言賴得以安

無註

復

偽言妄語轉相註誤不知狼處

無註

无妄

履悖自敵凶憂來到痛不能笑

無註

大畜

牽尾不前逆理失臣惠朔以奔

春秋左右公子立黔牟衛朔奔齊

頤

三狸搏鼠遮遏前後死於環城不得脫走

無註

大過

言笑未卒憂來暴卒身墨丹索檻囚裝束

無註

坎

陰積不已雲作淫雨傷害平陸民無室屋

無註

離

山林麓藪非人所處鳥獸無禮使我心苦

無註

咸

新作初陵踰蹈難登三駒推車跌頓傷頤

無註

恆

魂微惻惻行續聽絕曠然大通復更生活

無註

遯

欒子作殃伯氏誅傷州犁奔荆去其邑鄉

春秋成公十五年冬十月晉二郤害伯宗譖而

易

林卷九

三一中華書局聚

殺之及欒弗忌伯州犁奔楚

大壯

高明大形造惡作凶無所能成還自滅身

高明大形作驕胡大形義通

晉

陳辭達城使安不傾增榮益譽以成功名

無註

家人

三祀無棗家無積莠使鳩求婦頑不我許

無註

睽

慎禍重病顏子為友乃能安存牢戶繫羊乃能受

慶

顏子即顏淵

蹇

鹿得美草嗚呼其友九族和穆不憂飢乏

詩鹿鳴篇云呦呦鹿鳴食野之苹我有嘉賓鼓

瑟吹笙

解

亡玉失鹿不知所伏利以避危全我生福甘雨時

降年歲有得

無註

損

逢時得當身受福慶

無註

益

鷓思其雄欲隨鳳東順理羽翼出次須日中留北
邑復反其室

無註

夬

環堵倚鋤升升屬口貧賤所處心寒昨苦

無註

姤

孤獨特處莫依為輔心勞志苦

無註

困

絕而復通雖達不窮終得其願姬姜相從

無註

井

陽并悖狂拔劍自傷為身坐殃

易

林卷九

三中華書局聚

并當作氏陽氏即陽虎也

革

方圓不同剛柔異鄉掘井得石勞而無功

無註

鼎

乘風雨會與飛鳥俱動舉千里見我愛母

無註

震

三塗五岳陽城太室神明所扶獨無兵革

三塗山名在河南伊闕縣陽城山谷名在嵩山

下太室山名

艮

鷄鳴取婦深目窈身折腰不媚與伯相背

無註

萃

稷為堯使西見王母拜請百福賜我喜子長樂富

有

稷后稷王母古神仙也

升

鳴條之郊北奔犬胡左衽為長國號匈奴王君旄

頭立尊單于

樂彥括地譜云夏桀無道湯放之鳴條三年而死其子葷粥妻桀之衆妾避居北野隨畜移徙中國謂之匈奴單于者廣大之貌尊稱之

漸

轉行軌軌行近不遠旦夕入門與君笑言

無註

歸妹

求利難國逃去我北復歸其城不為吾賊

無註

豐

日月之途所行必到無凶無咎安寧不殆

無註

旅

管仲遇桓得其願歡膠目啓牢振冠無憂笑戲不

止空言妄行

鮑叔舉管仲於齊桓公任以為相膠目啓牢未

詳

巽

出入蹈踐動順天時俯仰有節禍災不來

易

林卷九

一中華書局聚

無註

兌

內崩傷中上亂無恆雖有美粟我不得食

無註

渙

逐禍除患道德神仙遏惡萬里福常在前身樂以

安

無註

節

牛驚馬走上下渾擾鼓音不絕頃公奔敗

春秋魯成公二年衛孫桓子魯臧宣叔晉卻克

與齊頃公戰晉人援桴而鼓馬逸不能止師從

之頃公敗績

中孚

西上九阪往來留連止須時日虛與有得

無註

小過

虎怒捕羊猶不能攘

無註

既濟

踊泉滴滴南流不絕卒爲江海壞敗邑里家無所
處將帥襲戰獲其醜虜
無註

未濟

桃弓葦戟除殘去惡敵人執服
無註

易林卷第九

大... 後... 中... 十... 有... 夫... 我... 不... 復... 矣

...

...

...

...

...

...

...

...

...

...

...

...

...

...

...

...

...

...

...

...

易林卷第十

三三二 離下巽上 家人

天命赤烏與兵徵期征伐無道誅其君傲居止何憂

史武王渡河有火自上復于下至于王屋流爲
鳥其色赤故武王伐紂以應赤烏之祥
之乾

千歲槐根身多斧癥傷癰擣理枝葉不出
無註

坤

嗙嗙諤諤虎豹相齮懼畏悚息終無難惡
無註

屯

娶於姜呂駕迎新婦少齊在門夫子懽喜

按春秋昭公二年夏四月韓須如齊逆女齊陳
無宇送女致少姜少姜有寵於晉侯晉侯謂之
少齊姜齊姓

蒙

膏壤肥澤民人孔樂宜利居止長安富有

無註

易

林 卷十

一 中華書局聚

需

生有聖德上配大極皇靈建中授我以福

書仲虺之誥成湯曰王懋昭大德建中于民

訟

耄老蒙鈍不見東西少者弗慕君不與謀懸輿致仕退歸里居

漢薛廣德上疏乞骸骨歸里懸車

師

三狂北行道逢大狼暮宿患澤為禍堪傷

無註

比

更且初歲振除禍敗新衣元服拜受利福

且當作日元服首服也

小畜

杲杲白日為月所食損上毀下鄭昭出走

按春秋鄭莊公娶鄧曼生世子忽又娶宋雍氏生公子突魯桓十一年莊公卒忽立祭仲歸復立突忽出奔衛忽鄭昭公名

履

君子失意小人得志亂擾並作奸邪充塞雖有百

堯顛不可救

無註

泰

仁德履洽恩及異域澤被殊方福慶隱伏作蠶不織寒無所得

無註

否

東求金玉反得弊石名曰無宜字曰醜惡衆所賤

薄

無註

同人

擊鼓合戰士怯叛亡威令不行敗我成功

無註

大有

仲春孟夏和氣所舍生我嘉福國無殘賊

無註

謙

尹氏伯奇父子生離無罪被辜長舌為災

伯奇尹吉甫之子父娶後妻而譖伯奇於吉甫

父逐之言無罪而見逐皆後母長舌所為也

豫

三穀不熟民苦困急駕之新邑嘉樂有德

無註

隨

登虛望貧暮食無飧長子南戍與我生分

無註

蠱

東市齊魯南賈荆楚羽毛齒革為吾利寶

書禹貢荆及衡陽惟荆州厥貢羽毛齒革

臨

節情省欲賊殺有度家給人足公劉以富

賊殺當作賦斂公劉后稷之曾孫也詩云乃積

乃倉又言其既庶既繁

觀

恭寬信敏功加四海辟去不祥喜來從母

語子張問仁於孔子孔子曰能行五者於天下

為仁矣請問之曰恭寬信敏惠

噬嗑

張狂妄作與惡相逢不得所欲生我獨凶

無註

賁

畫龍頭頸文章不成甘言美語詭辭無名

無註

剝

騎龍乘風上見神公彭祖受刺王喬讚通巫咸就

位拜壽無窮

彭祖古之有壽者王喬古仙人巫咸商臣名

復

溫仁君子忠孝所在八國為隣禍災不處

無註

无妄

威權分離烏夜徘徊羣蔽目光大人誅傷

無註

大畜

大學靈二年聖且明神先知善祥吉喜福慶神烏來

見告我無憂

無註

頤

東山家辭處婦思夫伊威盈室長股羸戶歎我君

子役日未已

東山周公東征之詩我徂東山惛惛不歸又曰
鸛鳴于垤婦歎于室又曰伊威在室伊威者鼠
婦也室不掃則有之羸當作羸果羸枯樓也詩
曰果羸之實亦施于宇蓋述其歸未至而思家
之情也

大過

張頷開口舌直距齒然諾不行政亂無緒

無註

坎

吹角高邦有夫失羊衆民驚惶警慎避咎勅不行

殃

無註

離

南行出城世得福祉王姬歸齊賴其所欲

春秋莊公元年王姬歸于齊言王室之女下嫁

于諸侯也

咸

心狂老悖視聽聳類政令無常下民多孽

無註

恆

安上宜官一日九遷踰羣超等牧養恆山
漢田千秋一日九遷其官

遜

東鄰嫁女為王妃后莊公築館以尊王母歸于京
師季姜悅喜

春秋魯莊公元年王姬下嫁於齊命同姓諸侯
主之魯以姬姓故築館而迎之冬王姬歸于齊
桓公九年春紀季姜歸于京師為桓王后

大壯

六甲無子已喪其戊五丁不親庚失曾孫癸走出
門

未詳

睽

安床厚褥不歸久宿弃我喜讌困於南國投杼之
憂弗成禍災

戰國策秦甘茂曰魯人與曾參同姓名者殺人
人告其母曰吾子不殺人織自若至於告之者
三其母懼乃投杼而走

明夷

騎豚逐羊不見所望經涉虎廬亡身失羔

易

林卷十

四一中華書局聚

無註

晉

陰霧不清濁政亂民孟秋季夏水壞我居

無註

蹇

五方四維平安不危利以居止保有玉女

無註

解

西賈巴蜀寒雪至轂欲前不得復反其室

巴蜀皆地名

損

剛柔相呼二姓為家霜降既同惠我以仁

無註

益

天馬五道炎火分處往來上下住又駒亡衣柔巾

麻相隨哭歌凶惡如何

未詳

夬

出門懷憂東上禍丘與凶相遇自為災患

無註

溝

西行求玉冀得隨璞反見凶惡使我驚惑

無註

萃

出入無妄動作失利銜憂懷禍使我多悴

無註

升

高樓無柱顛僵不久紂失三仁身死牧野

史記商紂無道造鹿臺為瓊室高千尺罷苦萬

民之力三仁微子箕子比干紂不能用其後武

王伐紂于商郊牧野

革

泉涸龍憂箕子為奴干叔隕命殷破其家

箕子紂親戚諫紂不聽佯狂為奴紂之諸父比

干也直言諫紂紂怒殺之刳視其心

鼎

向食飲酒嘉賓聚會牂羊大猪君子饒有

無註

困

避禍逃殃身外不傷高貴疾顛華落墮凶

易

林卷十

五中華書局聚

無註

井

張牙反目怒齮作怒狂馬燒犬道驚傷軫

未詳

震

黃牛駢犢東行折角冀得百牂反士我囊

無註

艮

路多枳棘步刺我足不利旅客爲心作毒

無註

漸

執斧破薪使媒求婦和合二姓親御斯酒居比鄰

里姑公悅喜

無註

歸妹

駕車出門順時宜西福祐我身安寧無患

無註

豐

日新東從魁杓爲禍僕臺爲秦使我久坐

未詳

旅

山陵丘墓魂魄室屋精光竭盡長臥無覺

無註

巽

孩子貪餌為利所說探把釜甑爛其臂手

無註

兌

何材待時閉戶獨愁丘蚓冬行解我無憂桑蠶不
得女功弗成

無註

渙

解商驚惶散我衣裝君不安邦

無註

節

害政養賊背主入愆跋行不安國危為患

無註

中孚

禍走患伏喜為我福凶惡消去災害不作

無註

小過

易

林 卷十

六一中華書局聚

老馬無駒病雞不雛三雌獨宿利在山北

珍做宋版印

無註

既濟

播天舞地嘒亂神所居樂無咎

無註

未濟

異國殊俗情不相得金木為仇西賊檀穀

未詳

三三離上兌下睽

倉盈庾億宜稼黍稷年歲有息

詩楚茨我倉既盈我庾維億我黍與與我稷翼翼此言述公卿之有田祿力於農事而作也

之乾

被服文衣遊觀酒池上堂見觴喜為吾兄使我憂

士

無註

坤

邑姜叔子天文在手實沈參虛封為晉侯

邑姜武王后叔子即太叔當邑姜方震太叔夢

帝謂己余命而子曰虞及生有文在手曰虞遂

以命之及成王滅唐而封太叔焉參爲晉星實
沈參神也出左傳魯昭公元年

屯

改柯易葉飯温不食豪雄爭強先者受福

無註

蒙

馨香陟降明德上登社神祐顧命予大鄰

詩文王陟降在帝左右帝上帝也

需

老狼白驢長尾大狐前顛卻躡進退遇崇

無註

訟

山沒丘浮陸爲水魚鷺雀無廬

無註

師

懿公淺愚不深受謀無援失國爲狄所賊

春秋閔公三年狄人伐衛懿公好鶴鶴有乘軒者將戰國人皆曰使鶴遂爲狄所滅

比

鼎湯其耳熱不可舉大塗塞壅旅人心苦

易

林卷十

七中華書局聚

無註

小畜

凶聲醜言惡不可聞君子舍之往恨我心

無註

履

昧暮乘車履危陷溝亡失羣物摧折兩軸

無註

泰

南有嘉魚駕黃取鱗魴鯉詡詡利來無憂

南有嘉魚詩篇名為燕享而作也

否

隔在九山往來勞難心結不通失其所權

無註

同人

下流難居狂夫多罷貞良溫柔年歲不富

無註

大有

狐狸雉兔畏人逃去分走竄匿不知所處

無註

謙

異體殊俗各有所屬西隣孤嫗欲寄我室主母罵
晉終不可得

無註

豫

怒非怨妬貪得腐鼠而呼鵲鷄自令失餌致被困

大患

無註

隨

五心六意歧道多怪非君本志生我恨悔

無註

蠱

三班六黑同室共食日長月息我家有德

無註

臨

方船備水旁河燃火終身無禍

無註

觀

翳屏獨語不聞朝市以利居服免跛後聞

無註

噬嗑

易

林卷十

八中華書局聚

以處不安從反觸患

無註

賁

剝則髡人所殘弃批捍之言我心不快

剝音擊髡音坤剝音又

剝

臯田禾黍搥壤麻阜衣食我躬室家饒有

無註

大畜

匿病不醫亂政傷災紂作淫虐商破其墟

書商紂無道淫酗肆虐武王伐之遂滅商

无妄

金城朔方外國多羊履霜不時去復為憂

無註

大過

焱風卒起車馳袍褐奔古追亡失其和節心憂惓

惓

無註

頤

鬼泣哭枉悲傷無後甲子昧爽殷人絕祀

離

書曰甲子昧爽王朝至于商郊牧野伐紂滅殷

隨風騎龍與利相逢田獲三狐商伯有功衝衝之
邑長安無他

周易解九二田獲三狐狐者邪媚之獸三狐指
卦之三陰也

坎

耆老不明聞善不從自令顛沛敗為咎殃

無註

復

兩目失明日奪無光脛足跛踣不可以行頓於丘
傍

無註

咸

三牛五牂重明作福使我得疾人官獄憂在心
腹

無註

恆

孟巳乙丑哀呼尼父明德訖終亂害滋起

乙當作己哀公十六年四月己丑孔子卒

易

林卷十

九一中華書局聚

遁

華燈百枝消闇衰微精光訖盡奄如灰縻

無註

大壯

鷹飛雉退兔伏不起弧張狼鳴野雞飛驚

無註

晉

鬪戰天門身有何患室家具在不失其歡

無註

明夷

東家殺牛行逆腥臊神背西顧命衰絕周亳社災

燒宋人夷誅

易曰東鄰殺牛不如西鄰之禴祭春秋魯襄公

二十五年五月烏鳴于亳社甲午宋大災亳當作

亳

家人

陰陽辨舒二姓相合婚姻孔云生我利福

無註

蹇

東入海口循流北走一高一下五邑無主十日六

夜死於水涘

未詳

解

孤竹之墟失婦無夫傷於疾藜不見其妻東郭棠姜武氏以亡

孤竹國名易繇曰困于石據于疾藜入于其宮不見其妻凶棠姜齊棠公之妻東郭偃之姊也武氏崔武子杼出左傳

損

天戶東墟盡既為災跽踳黯聾秦伯受殃

跽音迸踳音湊

益

賴先休光受福之祉雖遭亂潰獨不危殆

無註

夬

折若蔽目不見穉叔三足孤鳥遠去家室

目當作日楚詞折若木以拂日兮若木木名在崑崙西極其華光照下地抱朴子曰中有三足鳥

溝

易

二人同室兄弟合食和樂相好各得所敬
無註

萃

繼體守蕃縱欲廢賢君臣淫遊夏氏失身側室之
門福祿來存

按左傳陳靈公與孔寧儀行父通於夏姬皆衷
其袒服以戲于朝後陳靈公與孔寧儀行父飲
於夏氏公謂行父曰徵舒似女對曰亦似君徵
舒病之十一年楚人殺陳夏徵舒

升

老狐屈尾東西為鬼病我長女坐涕誦指或西或
東大華易誘

困

狐妖獸也鼻尖尾大性多疑出名山記

大樹之子百條共母當夏六月枝葉盛茂鸞鳳以
庇邵伯避暑穉穉印甚各得其所
無註

井

井堙木刊國多暴殘秦王失戍壞其太寧
襄公二十五年陳侯會楚子伐鄭嘗陳隧者井

堙木刊史記楚將沛公破秦兵入咸陽降子嬰羽燒秦宮室火三月不息此言秦王失其戍守而至於社稷壞矣

革

駕黃買蒼與利相迎心獲所守不累弟兄

黃驪黃蒼蒼耳皆馬也

鼎

庾億倉盈年歲安寧稼穡熟成

無註

震

人生馬淵壽老且神飛騰上天舍宿軒轅居常樂

安

無註

艮

思顧所之乃令逢時洗我故憂拜我歡來

無註

漸

魁罡所當初為敗殃君子留連困於水漿求金東

山利在代鄉賈市有息子載母行

無註

易

林卷十

十一中華書局聚

歸妹

鉛刀攻玉無不鑽鑿龍體其舉魯班爲輔二仁翼
事所求必喜

魯班公輸子之名

豐

喜來如雲舉家蒙歡衆才君子駕福盈門

無註

旅

響像無形骨體不成微行衰索消滅無名

無註

巽

積水不温北陸苦寒露宿多風君子傷心

無註

兌

黃馬綠車駕之大都讚達才能使我無憂

無註

渙

從風放火艾芝俱死三害集聚十子患傷

艾草名芝靈草被火則俱死卽玉石俱焚之義

三害未詳

節

一身二手無益於輔兩足共節不能克敏

未詳

中孚

南向一室風雨並入塵埃積濕主母盲痹偏枯心疾亂我家資

無註

小過

採薇出車魚麗思初上下促急君子懷憂

採薇出車魚麗皆詩篇名採薇言出戍之時採薇以食而念歸期之遠也出車之詩勞還率也魚麗之詩燕饗之樂歌也

既濟

先易後否告我利市騷蘇自苦思吾故止

無註

未濟

生宜地乳上皇大喜降我祉福貴壽無極

無註

三三艮下坎上蹇

同載共輿中道別去喪我元夫獨與孤居

無註

之乾

叔盼拘寃祁子自邑乘遽解患羊舌免晚賴得全

按春秋叔盼即叔向祁子即祈奚羊舌虎叔向弟也晉范宣子殺虎囚向祁奚聞之乘駟而見宣子言叔向之善宣子悅言諸公而免之盼當作盼晚當作脫

坤

兔聚東郭衆犬俱獵圍缺不成無所能獲東郭旣海內之狡兔

屯

作室山根人以爲安一日崩頽敗我盤飧

蒙

疾風塵起亂擾崩始强大并小先否後喜

需

潔齊浴沐思明君德哀公怯弱風氏復比春秋哀公十四年六月甲午齊陳恆弑簡公于

舒州孔子齊三日沐浴而朝告請討之公使告
季氏此言哀公怯弱而受制於季氏不敢專也
認

土瘠瘦薄培塿無柏使我不樂

無註

師

褰衣涉河水深漬罷賴幸舟子濟脫無他

無註

比

送我季女至于蕩道齊子曰夕夕久留連處

季女齊子齊襄公妹魯桓公夫人也桓公十八
年公與夫人姜氏如齊詩云魯道有蕩齊子庸

止

小畜

三孫六子安無所苦中歲發殆亡我所使

無註

履

偃風揚草塵埃俱起清濁溷散忠直隱處

無註

泰

易

林 卷十

十三 中華書局聚

歷險登危道遠勞罷玄豕自歸困涉大波

無註

否

六藝之門仁義俱存鎡基逢時堯舜為君傷寒熱

溫下室黃泉

六藝禮樂射御書數

同人

被服文衣遊觀酒池上堂見觴喜為吾兄使我憂

亡

史記商紂無道始為象箸箕子歎曰錦衣九重

高臺廣室稱此以求天下不足矣又為酒池肉

林武王伐之遂亡其國

大有

生時不利天命災至制於斧癩晝夜苦勤

無註

謙

天門開闢牢戶寥廓桎梏解脫拘囚縱釋

無註

豫

川淵難遊水為我憂多言少實命鹿為駒建德開

基君子逢時利以仲疑

無註

隨

鄉歲逢時與生為期枝葉盛茂君子無憂

無註

蟲

六鵠退飛為衰敗祥陳師合戰左股夷傷遂崩不起霸功不成

春秋僖公十六年正月六鵠退飛過宋都二十二年十一月宋公及楚人戰于泓宋師敗績公傷股二十三年五月公卒傷於泓故也鵠當作鷓

臨

雷君出裝隱隱西行霖雨不止流為巨江南國以傷

無註

觀

牙孽生齒室蟠啓戶幽人利貞鼓翼起舞

按後卦小畜之睽一作牙孽生達義通

噬嗑

易

林卷十

西中華書局聚

火起上門不為我殘跳脫東西獨得生完不利出

鄰病疾憂患

賁

舉事無成不利出征言不可用衆莫能平

無註

剝

老狼白驢長尾大狐前顛卻躡進退遇崇

無註

復

日入道極勞者休息班馬還師復我燕室

春秋襄公十八年齊師夜遁有班馬之聲註馬不相見故鳴班別也

无妄

林麓山藪非人所處鳥獸無禮使我心苦

無註

大畜

蓄利積福日新其德高氏飲食憂不為患

無註

頤

張羅百目鳥不得北縮頸挂翼困於窘國君子治德獲譽受福

無註

大過

伯虎仲熊德義淵弘使布五教陰陽順序

按史高辛氏之子有曰伯虎仲熊舜舉八愷使主后土爲伯益之佐伯虎疑卽仲虎也五教者父子有親君臣有義夫婦有別長幼有序朋友有信

坎

跛隨相隨日暮牛罷凌遲後旅失利亡雌

無註

離

嬴氏違良使孟尋兵師老不已敗於齊鄉

春秋僖公三十二年杞子自鄭使告于秦曰鄭人使我掌北門之管若潛師以來國可得也秦穆公訪諸蹇叔蹇叔曰勞師以襲遠非所聞也公辭焉召孟明西乞白乙使出師遂敗于殽秦嬴姓

咸

易

林卷十

五中華書局聚

日月並居常闇且微高山崩巔丘陵為谿

無註

恆

鳥鵲食穀張口受哺蒙被恩德長大成就柔順利

貞君臣合好

無註

遯

雖躓復起不毀牙齒克免平復憂除無疾

無註

大壯

草木黃落歲暮無室虐政為賊大人失福

無註

晉

避凶東走反入禍口制於牙爪骨為灰土

無註

明夷

欲飛不能志苦心勞福不我求

無註

家人

羔裘豹袂東與福遇駕迎吾兄送我驪黃

睽 無註

東耕破犁西失良妻留害不避家貧無資
無註

解

魚陸失所鳧龜困苦澤無藿蒲晉國以虛
龜音蛙藿音桓

損

行役未已新事復起姬姜勞苦不得休止
無註

益

脫足無蹄二步五罷南行不進後市身苦
無註

夬

白日揚光火爲正王消金厭兵雷車避藏陰雨不
行民安其鄉
無註

遘

放銜垂轡犇馬不制弃法作奸君失其位
無註

易

林 卷十

六 中華書局聚

萃

司命下游喜解我憂皇母緩帶嬰子笑喜

無註

升

黃帝出遊駕龍乘馬東上大山南過齊魯邦國咸喜

黃帝邑於涿鹿之阿遷徙無常以兵師為營衛後得六相而天地治神明至

困

既往不說憂來禍結比戶為患無所申雪

無註

井

荷蕢隱名以避亂傾終身不仕遂其潔清

論語有荷蕢而過孔氏之門者註云荷蕢隱士也

革

折挺春稷君不得食頭痒搔跟無益於疾

無註

鼎

植根不固華葉落去便為枯樹

無註

震

凶門生患牢戶多冤沙池禿齒使叔困貧

無註

艮

登山履谷與虎相觸猓為功曹班叔奔北脫之喜

國

史記龜策傳郭璞曰蝟能制虎

漸

麟鳳所翔國無咎殃賈市十倍復歸惠里

無註

歸妹

路險道難水過我前進往不利迴車復還

無註

豐

延頸望邑恩歸其室臺樹不成未得安息

無註

旅

蒙生株瞿棘挂我須小人妬嫉使恩不遂

無註

易

林卷十

七中華書局聚

巽

南至隱域深潛處匿聰明閉塞與死為伍

無註

兌

機餌設張司暴子良范叔不廉凶害及身

春秋鄭子孔乃子良之父其為政也專國人患之殺子孔而分其室子良奔楚魏范睢字范叔嘗從須賈使齊齊王喜其辨賜睢金與牛酒賈歸告魏相魏齊疑告以國陰事魏齊怒笞擊睢折脅摺齒置於廁使醉客溺之

渙

從騎出門遊戲空城阪高不進利無所得

無註

節

西國強梁為虎作狼東吞楚齊并有其王

史記秦為狼虎之國始皇王翦虜楚王負芻以其地置楚郡二十六年王賁自燕南攻齊齊王遂降而天下混一

中孚

登山伐輻虎在我側王孫無懼仁見不賊

無註

小過

六月睽睽各欲有望後來未壯俟時日明

無註

既濟

道涉多阪牛馬蜿蟪車不麗載請求不得

無註

未濟

一口三舌相妨無益羣羊百牂不為威強亡馬失

駒家耗於財

無註

二二坎下震上解

駕行出遊鳥鬪車前更相掙滅兵寇日來迴車亟

還可以無憂

無註

之乾

大都之居無物不具抱布貿絲所求必得

詩氓之篇氓之蚩蚩抱布貿絲匪來貿絲來即

我謀

坤

易

林 卷十

六一中華書局聚

膠着木連不出牢關家室相安

無註

屯

孟伯食長懼其畏王賴四蒙五抱福歸房

無註

蒙

防輿疲駟不任銜轡君子服之談何容易

無註

需

許嫁既婚利福在身適惠生桓為我魯君

左傳宋武公生仲子仲子生而有文在手曰為

魯夫人故仲子歸于惠公生桓公

訟

入門大喜上堂見母妻子俱在兄弟饒友

無註

師

推車上山力不能任顛蹶蹉跌傷我中心

無註

比

鴈飛退去不食其雛禽尚如此何況人與

無註

小畜

福弃我走利不可得幽人利貞終無怨慝

無註

履

夫妻反目不能正室翁云于南姬言還北並后匹

嫡二政亂國

易小畜卦輿脫輶夫妻反目

泰

陽衰伏匿陰淫為賊賴幸王孫遂至喜國

無註

否

入山求玉不見和璞終日至暮勞無所得

卞和得玉璞三獻楚剖之果有美玉焉

同人

鳴鸞四牡駕出行狩合格有獲獻公飲酒

詩車攻篇言周宣王往狩于圃田也田車既好

四牡孔阜東有甫草駕言行狩

大有

覆手舉牘易為功力月正元日平飲致福

無註

謙

三火高明雨減其光高位疾顛驕恣誅傷

無註

豫

裹糗荷糧與利相逢高飛有德君大獲福

糗糲也擣粉熬豆為之

隨

道理和得人不相賊君子往之樂有利福

無註

蠱

水土相得萬物蕃殖膏澤優渥君子有德

無註

臨

天孫帝子與日月處光榮於世福祿繁祉

無註

觀

陪依在位乘非其器折足覆餗毀傷寶玉

易鼎卦九四鼎折足覆公餗其形渥凶

噬嗑

鷓飛中退舉事不遂且守仁德猶免失墜

鷓當作鷓春秋宋六鷓退飛襄公問於周內史叔興曰是何祥也對曰君將得諸侯而不終

賁

經棘正冠意盈不廉桀紂速讒惑佞傷賢使國亂煩一作桀紂迷惑讒佞傷賢

夏桀商紂皆傷賢敗國之君也

剝

申酉退跌陰慝前作柯條華枝復泥不白

未詳

復

平正賤使主服苦事

無註

无妄

釣魴河湄水長無涯振手徒歸上下昏迷屬公孫齊

春秋魯昭公二十五年公孫于齊居於陽州內諱奔謂之孫作去聲

大畜

胎養萌生始見兆形遭逢雷電摧角折頸探壺山

易

林卷十

二十一中華書局聚

頭終安不傾

詩載馳篇云陟彼阿丘言采其蟲蟲貝母也主療鬱結之疾

頤

陽春枯槁夏多水潦霜雹俱擊傷我禾黍年歲困苦

無註

大過

三身六齒痛疾不已齧病蠹缺墮落其宅

齧音矩齒蠹也

坎

失恃無友嘉禍出走僕如喪狗

家語孔子去魯累累若喪家之狗

離

寅重微民歲樂年息有國無咎君子安喜

無註

咸

登几上車駕駟南遊合從散衡燕秦以強

蘇秦主從張儀主衡秦事燕儀事秦按禮部韻

毛居正曰以六攻一為從以一離六為橫合之

曰從衡

恆

鳥集茂林順柔利貞心樂願得感戴慈母

無註

遁

啓蟄始生萬物美榮社祿未成市賈無盈

無註

大壯

驕胡犬形造惡作凶無所能成還自滅身

無註

晉

異國他土出良駿馬去如奔畜害不能傷

無註

明夷

恪敬竟職心不作慝君明臣忠民賴其福

無註

家人

三女求夫伺候山隅不見復關長思憂歎

詩氓之篇云不見復關泣涕漣漣復關男子之

所居不敢顯名故託言之此詩刺淫泆也

睽

駕福乘喜東至嘉國載慶南行離我室居

無註

蹇

四姦為殘齊魯道難前驅執及戒守無患

春秋魯僖公二十四年周襄王將以狄伐鄭富
辰諫曰耳不聽五聲之和為聾目不別五色之
章為昧心不則德義之經為頑口不道忠信之
言為嚚狄皆有之四姦具矣衛詩云伯也執殳
為王前驅

損

下擾上煩蠹蠱為患歲飢無年一二云既不一况有

飢年

無註

益

雞稚失雛常畏狐狸黃池要盟越國以昌

春秋外傳吳王夫差會晉公午於黃池越王勾
踐乃命范蠡帥師沿海沂淮絕吳路始率中軍
沂江以襲吳入其郢焚其姑蘇徙其大舟事在
魯哀公十三年

夬

堅冰黃鳥終日悲號不見白粒但觀蓬蒿數驚驚鳥孰為我憂

無註

邁

王統鐵頤倉庫空虛賈市無盈與我為仇一云時不我與我之利為作一云倉庫滴空人誰與同統當作銑按韻註鍾口兩旁曰銑又云銑金之澤者鐵頤未詳

萃

竊名盜位居非其家霜隕不實為陰所賊一二云三年室失盜賊自生霜隕非時菽麥不成

春秋隕霜殺菽註二云菽難殺者殺菽知草皆死也

升

賊仁傷德天怒不福斬刈宗社失其本域博要二云日中為市各抱所有交易資貨探珠懷寶心悅歡喜

易繫辭日中為市致天下之民聚天下之貨交易而退各得其所蓋取諸噬嗑

易

林卷十

三一中華書局聚

困

萬物初生蟄蟲振起益壽增福日受其喜

無註

井

和氣所在物皆不朽聖賢居位國無凶咎

無註

革

麟遊鳳舞歲樂民喜又云鳳舞麟遊賢聖作傳歲

既豐稔人何以憂

無註

鼎

行行窘步次宿方舍居安不懼姬姜何憂一二云行

幸國翫觀俗風君安自勞姬姜何憂

無註

震

水深難遊霜寒難涉商伯失利旅人稽留

無註

艮

跛躄相隨日暮牛罷凌遲後旅失利士雌

無註

漸

一年九鑠更相牽攀案明如市不得東西請讞得報日中被刑

讞魚蹇切議獄也

歸妹

春桃生華季女宜家受福多年男為邦君

詩周南桃夭篇桃之夭夭灼灼其華之子于歸宜其室家

豐

雷鼓東行稼穡凋傷大夫執政君替其明

春秋魯自文公薨公子遂殺子赤立宣公而政在大夫則公室微矣

旅

季世多憂亂國淫遊殃禍立至民無以休

無註

巽

發輓温湯過角宿房宜時布和無所不通一本云

布春令德明物轉芳

無註

兌

易

林卷十

三中華書局聚

水中大賈求利食子商人至市空無所有

無註

渙

春草萌生萬物敷榮陰陽和調國樂無憂樂一和
暢何事不亨

無註

節

左眇右盲目視不明下民多孽君失其常

無註

中孚

悅以內安不利出門憂除禍消公孫何尤

無註

小過

丹書之信言不負語易我麟驥君子有德

史記漢高祖天下既定與功臣剖符作誓丹書

鐵券金匱石室藏之宗廟

既濟

上政搔擾螟蟲並起害我嘉穀年歲無稷

無註

未濟

竿旄旌旗執職在郊雖有寶珠無路致之
職當作幟衛詩于旄篇云子于旄在浚之郊
小序云美好善也

易林卷第十

易林卷第十一

三三三二兌下艮上損

路多枳棘步刺我足不利孤客為心作毒

無註

之乾

鯉鮒鮪鰕勸福多魚資所有无富我邦家

勸助也見廣韻

坤

景星照堂麟游鳳翔仁施大行頌聲作興征者無

明失其寵光

景星一名德星王者不私人以官使賢者在位

則見

屯

羊腸九縈相推稍前止須王孫乃能上天

戰國策注趙險塞名山形屈辟如羊腸

蒙

四手共身莫適所閑更相放接動失事便

無註

需

水流趨下逮至東來求我所有買魴與鯉

易

林卷十一

一中華書局聚

無註

認

春粟夏棗少鮮希有斗千石萬貴不可販

無註

師

日往暮還相祐與聚無有凶患

無註

比

大蛇當路使季畏懼湯火之災切直我膚賴其天

幸歸于生廬

漢高祖劉季被酒夜徑澤中有大蛇當徑遂拔

劍斬之

小畜

從足去域飛入陳國有所畏避深藏邃匿

無註

履

海為水宗聰聖且明百流歸德無有叛逆常饒優

足

書禹貢江漢朝宗于海

泰

夏麥凝麴霜擊其芒病君敗國使年大傷
凝音孚麴古猛切

否

秋隼冬翔數被嚴霜雄父夜鳴家憂不寧

無註

同人

樂仁上德東鄰慕義來安吾國

無註

大有

逐憂除殃汙泥生梁下田為汪

無註

謙

闇昧冥語轉相迷誤鬼魅所居誰知臥處

無註

豫

南歷玉山山東入玉關登上福堂飲萬歲漿

無註

隨

比目四翼來安我國福善上堂與我同床

無註

易

林卷十一

一一中華書局聚

蠱

乘牛逐驥日暮不至路宿多畏亡其駢騅

無註

臨

元吉無咎安寧不殆

無註

觀

奮翅鼓翼翺翺外國逍遙徙倚來歸温室

無註

噬嗑

河伯娶婦東山氏女新婚三日浮雲洒雨雨我營

茅萬家之祐

史記西門豹為鄴令問民所疾苦皆曰苦為河

伯娶婦不為娶婦水漂人民豹曰至時來報吾

亦往送女至其時豹往河上使吏抱大巫投河

中吏民驚恐從是不敢復言河伯娶婦矣

賁

嬰兒求乳慈母歸子黃麕悅喜得見甘飽

麕鹿子也

剝

貧鬼守門日破我盆毀嬰傷缸空虛無子

無註

復

多載重負捐弃於野予無稚子但自勞苦

無註

无妄

雄狐綏綏登山崔嵬昭告顯功大福允興

詩云南山崔崔雄狐綏綏

大畜

嬰兒孩笑未有所識狄童而爭亂我政事

狄當作彼

頤

十九同投為雉所維獨得跳脫完全不虧

無註

大過

狐濟濡尾求橘得枳季妣懷悔鮑舍魚鳧

易未濟亨小狐汔濟濡其尾言狐能渡水濡尾

則不能濟也

坎

跌足息肩所忌不難金城銅郭以鐵為闕蕃屏周

衛安止無患

無註

離

戴堯扶禹松喬彭祖西過王母道里夷易無敢難者

堯禹皆仁德之君赤松王喬彭祖皆古之仙者

咸

京庾積聚黍稷以極行者疾至可以厭飽

無註

恆

良夫孔姬脅惺登臺樂季不扶叔輒走逃

按春秋左傳孔伯姬與其豎渾良夫為崩躓劫孔惺登臺衛亂季路死焉衛輒奔宋

遯

天之所予福祿常在不憂危殆

無註

大壯

行觸天剛馬死車傷身無慘賴困窮乏糧

無註

晉

鉛刀攻玉堅不可得盡我筋力抵璽為疾

無註

明夷

穆違百里使孟奮武將軍師戰敗於穀口

秦穆公違蹇叔之言使百里孟明視出師襲鄭

孟即孟明視也

家人

有人追亡鳥言所匿不旅日得

無註

睽

府藏之富王以賕貸捕魚河海苟罔多得

無註

蹇

鴻飛遵陸公歸不復伯氏客宿

詩九罭篇云鴻飛遵陸公歸不復於汝信宿

解

鳧過稻廬甘樂廣鱸雖驚不去田峻懷憂

田峻田大夫農官也

益

雨師娶婦黃巖季子成禮既婚相呼面南膏潤應

易

林卷十一

四中華書局聚

時年豐大喜

博物志曰太公為灌壇令武王夢婦人當道夜
哭問之曰吾是東海神女嫁於西海神童今為
灌壇令當道廢我行我行必有大風疾雨武王
覺召太公問之果有疾風暴雨從太公邑外過

夫

畜積有餘冀土不居美哉輪奐出有高車
無註

邁

重門擊柝陵昧武守雖驚不懼一云重門擊柝介
士守護終有他道雖驚不懼

易繫辭重門擊柝以待暴客蓋取諸豫

萃

大都王市稠人多寶公孫宜賈其貸萬倍

無註

升

秋隼冬翔數被嚴霜甲兵當庭萬物不生雄父夜
鳴民擾以驚

無註

困

招禍致凶來螫我邦痛在手足不得安息
無註

井

秦失其鹿疾走先得勇夫慕義君子變服

史記蒯徹曰秦失其鹿天下共逐高材疾足者
先得之

革

山陵四塞遏我徑路欲前不得復還故處

無註

鼎

一指食肉口無所得舌饒於腹

左傳鄭公解鼃召子公而弗與子公怒染指於
鼎嘗之而出

震

晨夜驚駭不知所止皇母相祐卒得安處

無註

艮

豺狼所言語無成全誤我白馬使乾口來

無註

漸

易

呼精靈來魄生無憂疾病瘡瘳解我患愁

瘡音愈瘳音抽

歸妹

牧羊逐兔使魚相捕任非其人廢日無功一二云卒
歲無功不免辛苦

無註

豐

堂祥上樓與福俱居席地如治國安無憂

未詳

旅

禹召諸臣會稽南山執玉萬國天下康安

史記禹南巡狩會諸侯于塗山執玉帛者萬國

巽

太姒文母乃生聖子昌發受命為天下主

太姒文王妃也文王名昌武王名發伐紂而有

天下

兌

兩宜同室兔無誰告與狂相觸蒙我以惡

無註

渙

桃雀竊脂巢於小枝動搖不安爲風所吹寒恐悚
慄常憂殆危

桃雀卽桃虫詩曰肇允彼桃虫註云鷦鷯也竊
脂桑扈也

節

陽春長日萬物華實樂有利福一二云春陽成長萬
物華實福利所鍾忻忻過日

無註

中孚

鄰不我顧而望玉女身疾瘡癩誰肯媚者

無註

小過

涸旱不雨澤竭無流魚鱉乾口皇天不憂

無註

既濟

狼虎之鄉日爭凶訟受性貪饕不能容縱

無註

未濟

陰注寒疾水離其室舟楫大作傷害黍稷民飢於
食亦病心腹

易

林

卷十一

六一中華書局聚

無註

二二二震下巽上益

文王四乳仁愛篤厚子畜十男無有折夭

淮南子云文王有四乳

之乾

下堂出門東至九山逢福值喜得其安閑

無註

坤

城上有烏自名破家招呼鳩毒為國患災

無註

屯

伯虎仲熊德義淵聞使敷五教陰陽順序行溢多

悔利無所得

按史高辛氏之子有曰伯虎仲熊為伯益之佐

伯虎疑即仲虎也五教父子有親君臣有義夫

婦有別長幼有序朋友有信

蒙

飲酒醉酣跳起爭鬪手足紛拏伯傷仲僵東家治

喪伯仲俱損因以治喪

無註

需

四目相視稍近同机日昃之後見吾伯姊

無註

訟

隨時逐便不失利門多獲得福富於封君

無註

師

隴西冀北多見駿馬去如焮颺害不能傷

焮音艷颺音羊

比

白龍黑虎起伏俱怒蚩尤敗走死於魚首

史記軒轅修德治兵禽殺蚩尤於涿鹿

小畜

鴻飛戾天避害紫淵雖有鋒門不能危身

無註

履

平國不君夏氏作亂烏號竊發靈公隕命

陳靈公通於夏姬其子徵舒病之出自廐射而

中之事見宣公十年

泰

易

江漢上游政逆民憂陰伐其陽雄受其殃

無註

否

東家殺牛聞臭腥臊神怒不顧命衰絕周亳社災
燒妄夷誅愁

易曰東鄰殺牛不如西鄰之禴祭春秋魯襄公
三十年五月烏鳴于亳社甲午宋大災

同人

西誅不服恃彊負力倍道趨敵師走敗覆

按史記楚項梁西擊秦破章邯引兵至定陶再
破秦軍項羽沛公大破秦兵於雍斬李由梁益
輕秦有驕色宋義諫弗聽秦悉起兵益章邯擊
楚軍大破之定陶項梁死焉

大有

一婦六夫亂擾不治張王季疾莫適為公政道壅
塞周君失邦

無註

謙

配合相迎利之四鄉昏以為期明星煌煌欣喜爽
澤所言得當

無註

豫

猿墮高木不踈手足握金懷玉還歸其室

無註

隨

卷領遁世仁德不害三聖欣同周國茂興

按史周太王欲以國授季歷太伯仲雍知之太
王病二人託採藥於荆蠻以讓之故云遁世舍
止息也言周之仁德不止息也三聖季歷文王
武王也卷領未詳恐字有誤

蠱

去患脫厄安無怵惕上福喜堂見我權兄

無註

臨

帶季兒良明知權兵將師合戰敵不能當趙魏以

強

帶季即帶佗與兒良俱戰國時人善用兵知權

變

觀

鷓思其雄欲隨鳳東順理羽翼出次須日中留北

易

林卷十一

八中華書局聚

邑復反其室

無註

噬嗑

耳如驚鹿不能定足室家分散各走匿竄

無註

賁

甲乙丙丁俱位我庭三五六子入門見母

未詳

剝

躡華巔觀浮雲風雨不博心安匿無咎患

無註

復

德施流行利之四鄉爾師洒道風伯逐殃巡狩封

禪以告成功

巡狩者天子巡行諸侯所守之地封禪封土為

壇除地為禪古者帝王之興每易位而起必封

乎泰山所以告成功也

无妄

水流趨下遂成東海求我所有買鱸與鯉

無註

大畜

和氣相薄膏潤津澤生我嘉穀

無註

頤

憂驚以除禍不成災安全以來

無註

大過

堅冰黃鳥常哀悲愁不見白粒但覩藜蒿數驚鷲鷲
鳥飄為我憂

無註

坎

翁翁鞫鞫實墮崩巔滅其命身

鞫音田

離

因禍致福喜盈其室

無註

咸

佳居千里不見河海無有魚市

無註

恆

易

鹿得美草鳴呼其友九族和睦不憂飢乏

鹿鳴燕饗賓客之詩也曰呦呦鹿鳴食野之苹

我有嘉賓鼓瑟吹笙

遯

出門得堂不逢禍殃入戶自若不見矛戟

無註

大壯

巽尊重席命我嘉客福祐久長不見禍殃

無註

晉

鳴鴻俱飛北就魚池鱣鮪鯉多饒所有一筍獲

兩利之過倍

無註

明夷

當風奮翼與鳥飛北入我嘉國見吾慶室

無註

家人

麒麟鳳凰善政德祥陰陽和調國無災殃

無註

睽

逐狐東山水過我前深不可涉失其後便
無註

蹇

丑戌亥子飢饉前生陰陽暴客水絕我食
未詳

解

狐狸雉兔畏人逃去分走竄匿不知所處
無註

損

桀跖惡人使德不通炎旱為殃年穀大傷
無註

夬

兔乳在室行求雀食虎懼我子長號不已
無註

遯

土階明堂禮讓益興雄二相得使民無疾
帝堯之時土階三尺周公宗祀文王於明堂以

配上帝雄二相得未詳

萃

送金出門并失玉丸往來井上破甕壞盆

無註

升

諷德誦功美周盛隆加其日輔光濟冲人

周自文武興功德隆盛成王幼冲又得周公日

為之輔書曰昔公勤勞王家惟予冲人弗及知

困

盜竊滅身貳母不親王后無黨毀其寶靈

無註

井

六日睽睽各欲有至專止未裝候待日明

無註

革

雀行求粒誤入罟罟賴仁君子復脫歸室

無註

鼎

仁德孔明患禍不傷期誓不至室人銜恤

無註

震

龜厭江海陸行不止自令枯槁失其都市雖憂无

咎

無註

艮

孤獨特處莫依為輔心勞志苦

無註

漸

伯仲言留叔子云去雖自无咎主母大喜

無註

歸妹

初憂不安後得笑懼雖懼無患

無註

豐

好戰士國師不以律稱上隕墜齊侯狼戾其被災

崇

齊頃公好用兵師出無度構怨於鄰國其狼戾

可知也

旅

鹿在澤陂豺傷其麋泣血獨哀

鹿獸名按韻府羣玉千年為蒼鹿又百年為白

鹿又五百年為玄鹿麋鹿子也

巽

易

林 卷十一

十一中華書局聚

天地閉塞仁智隱伏商旅不行利潤難得

易坤文言曰天地閉賢人隱又復象曰先王以至日閉關商旅不行

兌

福德之士權悅日喜夷吾相桓三歸為臣賞流子孫

夷吾齊相管仲也三歸臺名婦人謂嫁曰歸一娶九女而備三姓

渙

上無飛鳥下乏走獸亂擾未治民勞於事無註

節

據斗運樞順天無憂與樂並居

斗宿名南北二斗象皆如斗北極有五星太乙常居其中是樞星也

中孚

戴瓶望天不見星辰顧小失大福逃廬外

無註

小過

月削日衰工女下機宇宙滅明不見三光

無註

既濟

操戟刺魚被髮立憂虎脫我衣狼取我袍亡馬失

財

無註

未濟

兩人俱醉相與悖戾心乖不同爭訟匆匆

無註

二二二乾下兌上夬

戴堯扶禹松喬彭祖西過王母道里夷易無敢難者

堯唐帝禹夏禹赤松王喬彭祖皆古仙人名

之乾

狼戾美謀無言不殊允厭帝心悅以獲祐

無註

坤

歲暮華落陽入陰室萬物伏匿絕不可得

無註

屯

雞鳴失時君騷相憂犬吠不休行者稽留

無註

蒙

鳧鷖遊涇君子以寧履德不愆福祿來成

詩鳧鷖守成也曰鳧鷖在涇公尸來燕來寧又云公尸燕飲福祿來成

需

薄為藩蔽勁風吹却欲上不得復歸其宅

無註

訟

東行破車步入危家衡門垂倒無以為主賣袍續食糟糠不飽

無註

師

青牛白咽呼我俱田歷山之下可以多耕歲稔時節民人安寧

無註

比

異國殊俗情不相得金木為仇百賊擅殺

無註

小畜

陰陽精液高熟晚折胎卵成鬼肇生頭目日有大喜

無註

履

飢蠱作害偏多亂纏緒不可得

無註

泰

清泠如雲為兵導先民人寃急不知西東

無註

否

班馬旋師以息勞罷役夫嘉喜入戶見妻

春秋齊師夜遁有班馬之聲註馬不相見故鳴

班別也

同人

坐爭立訟紛紛匈匈卒成禍亂災及家公

無註

大有

鹿食美草逍遙求飽日暮後門過期乃還肥澤且

厭

無註

易

林卷十一

三中華書局聚

謙

田鼠野雉意常欲去拘制籠檻不得搖動

無註

豫

月趨日步周遍次舍歷險致遠無有難處

無註

隨

天孫帝子與日月處光榮於世福祿祉祉

無註

蠱

晨風文翰大舉就温昧過我邑羿無所得

詩歎彼晨風鬱彼北林晨風鸛也羿古之善射

者

臨

日生夕死名曰嬰鬼不可得視

無註

觀

疾貧望仕使伯南販開牢擇羊多得大牂

無註

噬嗑

長城驪山生我大殘涉叔發難唐叔爲患

秦築長城建阿房宮於驪山涉叔即陳涉也

賁

娶於姜呂駕迎新婦少齊在門夫子歡喜

春秋昭公二年夏四月韓須如齊逆女齊陳無

宇送女致少姜少姜有寵於晉侯謂之少齊姜

齊姓

剝

隨時春草舊枝葉起扶疎條桃長大美盛華沃鏤

舒

無註

復

姬姜既懽二姓爲婚霜降合好西施在前

武王之妃太公呂望之女也周姬姓太公姜姓

封于齊

无妄

戴笠獨宿晝不見日勤苦無代長勞悲思

無註

大畜

始加元服二十繫室新婚既樂伯季有得

易

林卷十一

西一中華書局聚

元服首服也

頤

一室靈臺文所止遊雲物備故長樂無憂

文王以民力爲臺爲沼而民歡樂之謂其臺曰靈臺古者天子有靈臺所以觀祲象望雲物也

大過

久陰霖雨塗行泥潦商人依山市空無有

無註

坎

城壞壓境數爲齊病侵伐不休君臣擾憂上下屈竭士民無財

無註

離

南國盛茂黍稷醴酒可以饗養樂我嘉友

無註

咸

憂在心腹內崩爲疾禍起蕭牆意如制國

左傳意如魯大夫季平子名昭公二十五年伐季氏子孟孫叔孫遂伐公徒公遜於齊次於陽州

恆

朽根剛樹華葉落去卒逢火焮隨風僵仆

無註

遯

樹表為壇相與期言午中不會寵名弃廢

司馬穰苴請於齊景公使莊賈監其軍苴與賈約曰日中會于軍門苴立表下漏以待賈日中而賈不至遂斬之

大壯

四足俱走奴罷在後德戰不勝敗於東楚

無註

晉

執轡西朝回還故處麥秀傷心叔父有憂

無註

明夷

長夜短日陰為陽賊萬物空枯藏於北陸

漢志日行四陸春東陸夏南陸秋西陸冬北陸

家人

鳴鳩七子均而不殆長大成就弃而合好

詩曹風鳴鳩篇云鳴鳩在桑其子七兮淑人君

子其儀一兮其儀一兮心如結兮

易

林卷十一

五中華書局聚

睽

三羊上山馳至大原黃龍負舟遂到夷傷究其玉囊

蹇

史記禹濟江黃龍負舟舟中人懼禹仰天歎曰吾受命於天竭力以勞萬民生寄也死歸也余何憂於龍顏色不變須臾龍俛首低尾而逝焉

手足易處頭尾顛倒公爲雌嫗亂其蠶織

無註

解

登高望家役事未休王政靡盬不得逍遙
四牡勞使臣之詩也云王事靡盬不遑將父

損

畏昏不行候待日明燎獵受福老賴其慶

無註

益

孤獨特處莫依無輔心勞志苦

無註

遘

山石朽破消崩墮墜上下離心君受其崇

無註

萃

文母聖子無疆壽考為天下主人受其福

文母者武王之母太姒也有莘妣氏之女仁而
明道文王嘉之親迎于渭納以為妃朝夕勤勞
以進婦道號曰文母生聖子武王周公曰武王
伐紂遂有天下國祚永久受福無疆也

升

偃傀加俄前後相違言如鼈咳語不可知

無註

困

五龍俱超强者敢走露我苗稼年歲大有

無註

井

虎除善猛難為政鑿驥疲鹽車困於銜筓

驥良馬服鹽車而上大行之阪遇伯樂輒長鳴
出戰國策

革

江南多蝮螫於手足冤煩詰屈痛徹心腹

無註

易

林卷十一

去中華書局聚

鼎

心無所據射鹿不得多言少實語成無事

無註

震

君明主賢鳴求其友顯德之政可以履事

無註

艮

安上宜官一日九遷踰羣越等牧在常山

漢田千秋一日九遷其官

漸

俊辭解謝除去垢汙驚之成患嬰氏醜殘

無註

歸妹

翁狂嫗盲相牽北行欲歸高邑迷惑不得

無註

豐

醉臥道傍迷日失明不全我生

無註

旅

北登鬼丘駕龍東遊王叔御后文武何憂

巽

無註

恬淡無患遊戲道門與神往來長樂以安

無註

兌

以婚易系抱布自媒弃禮急情卒離憂悔

詩氓之蚩蚩抱布貿絲又匪我愆期子無良媒

此婦人爲人所棄而自敘其事以道其悔恨之意也

渙

被服大冠遊戲道門以禮相終身無殃患

無註

節

大麓魚池陸爲海涯君子失行小人相攜

無註

中孚

淵泉溢出爲我邑崇道路不通孩子心憤

憤當作憤

小過

十里望煙散渙四分形體滅亡可入深淵終不見

易

林卷十一

七一中華書局聚

君

無註

既濟

傳言相誤非奸徑路鳴鼓逐狼不知迹處

無註

未濟

東失大珠西行弃襦時多不利使我後起

無註

二二二乾上巽下溝

河伯大呼津不可渡往復爾故乃無大悔

莊子秋水時至百川灌河涇流之大兩溪涯渚之間不辨牛馬河伯自喜以為天下之美盡在矣

之乾

蒙被恩德長大成就柔順貞利君臣合好

無註

坤

東山西山各自止安心雖相望意不同堂

無註

屯

登山上谷與虎相觸狴爲功曹班叔奔北脫之嘉國

史記龜策傳云郭璞曰狴能制虎狴刺端分兩歧似鼠少犯近則毛刺攢起如矢也

蒙

躓跛未起失利後市

無註

需

結珠懷履卑斯以鬼爲君奴婢

無註

訟

雞鳴失時民僑勞苦厖吠有威行者留止

無註

師

陳媯敬仲示北興姜乃寓營丘八世大昌

按春秋傳陳媯姓敬仲即陳公子完魯莊公二十二年奔齊使爲工正初懿氏卜妻敬仲曰有

媯之後將育于姜八世之後莫之與京姜齊姓營丘齊所封之地

比

易

鹿畏人匿俱入深谷短命不長為虎所得死於牙腹

無註

小畜

言無約結不成契券殷叔季女公孫爭之強入委禽不悅於心乃適子南

鄭徐吾犯之妹美公孫楚聘之矣公孫黑又使強委禽焉註云禽鴈也納采用鴈事見春秋魯昭公元年殷叔未詳

履

鼓瑟歌舞懽遺於酒龍喜張口大喜在後

無註

泰

凶憂災殃日益章明禍不可救三卻夷傷

按春秋三卻晉大夫卻錡卻犇卻至成公十七年晉厲公侈多外嬖欲盡去羣大夫而立其左右遂殺三卻

否

水流趨下遂成東海求我所有買鱸與鯉

無註

同人

陰為陽賊君不能尅舉動失常利無所得

無註

大有

離牀失案龜喪其願都市無會叔季懷恨

無註

謙

雍遏堤防水不得行火慎陽光陰覓伏藏走歸其

鄉

覓當作覓

豫

蹇屈復申本乘浮雲貴寵母前

無註

隨

實沈參罰以義斷割次陸服薪成我霸功

實沈參神參虛晉地也罰當作虛

蠱

金泉黃寶宜與我市娶嫁有息利得過母

無註

臨

易

禹召諸侯會稽南山執玉萬國天下康寧

史記禹南巡狩會諸侯于塗山執玉帛者萬國

觀

二蟲作蠱踐跡無與勝母盜泉君子不處

按史記鄒陽書里名勝母曾子不入盜泉孔子

不漱

噬嗑

華葉墮落公歸姬宅夷子失民潔白不食

無註

賁

履機懼毀身王子廢終得所欲無有凶害

無註

剝

道理和德仁不相賊君子攸往樂有福利福

無註

復

合匏同牢姬姜並居

無註

无妄

關雎淑女賢賢妃偶宜家壽母福祿長久

詩關雎后妃之德也云關關雎鳩在河之洲窈窕淑女君子好逑

大畜

騏驥晚乳不知子處旋動悲鳴痛傷我心

無註

頤

智崑絕理陰孽謀主十日不食困於申亥

春秋昭公十二年夏四月楚公子比等因四族之徒以入楚殺太子祿及公子罷敵告乾谿之師使叛楚靈王還及訾梁而師潰遂依申亥夏五月王縊于申亥氏

大過

監諸攻玉無不穿鑿麟鳳成形德象君子三仁翼

事所求必喜

無註

坎

昧暮乘車以至伯家踰梁渡河濟脫無他

無註

離

吾有黍梁委積外場有用服箱運

我藏富於喜

易

林卷十一

二十一中華書局聚

糧

無註

咸

喜笑且語不能掩口官爵並至慶賀盈戶

無註

恆

霧露雪霜日暗不明陰孽生疾年穀大傷

無註

遯

伯去我東髮擾如蓬寤寐長歎展轉空牀內懷悵

恨摧我肝腸

詩衛風伯兮篇云自伯之東首如飛蓬又曰願

言思伯使我心痠註云婦人以夫久役於外而

作是詩

大壯

亡羊補牢毋損於憂

無註

晉

販鼠賣卜利少無謀難以得家

鄭人謂玉未理者璞周人謂鼠未腊者朴周人

懷朴過鄭賈曰欲買朴乎鄭賈曰欲之出其朴乃鼠也因謝不取出戰國策

明夷

西戎為疾幽君去室陳子發難項伯成就

春秋幽王十五年有西夷犬戎之難幽君即幽

王也史記陳勝字涉秦二世元年起兵於蘄陳

子即陳勝也項伯嘗以身蔽翼沛公卒成漢業

家人

秋風生哀華落生悲公室多難羊舌氏衰

春秋魯昭公二十八年晉祁盈執祈勝晉侯執

祁盈殺之及楊食我食我祁盈之黨也而助亂

故殺之遂滅祈氏羊舌氏公室晉室晉侯頃公

也

睽

持福厭患去除天殘日長夜盡喜世蒙恩

無註

蹇

新授大喜福復重來樂且日富是惟豐財

無註

解

易

前頓却躓左跌右逆登高安梯復反來歸

無註

損

夢飯不飽酒未入口嬰女雖好媒鴈不許

無註

益

大都王市稠人多寶公孫宜賈資貨萬倍

無註

夫

兩人俱醉相與悖戾心乖不同爭訟匈匈

無註

萃

身無頭足超躑空乖不能遠之中道廢休失利後

時

無註

升

三人俱行六目光明道逢淑女與我驥子

無註

困

進仕爲官不若復田獲壽保年

無註

井

先易後否失我所市騷蘇自苦思吾故土

無註

革

蘇氏發言韓魏無患張子馳說燕齊以安

按史記蘇秦說韓魏以合從張儀說燕齊以連

衡

鼎

武庫軍府甲兵所聚非里邑居不可舍止

無註

震

一身三口莫適所與為孺子牛田氏主咎

按春秋傳孺子名荼齊景公妾鬻奴所生景公

嘗銜繩為牛使荼牽之故曰為孺子牛

艮

西山東山各自止安心雖相望竟未上堂

無註

漸

不改柯葉和氣中適君子所在安無怵惕

易

林卷十一

三一中華書局聚

無註

歸妹

將戊擊亥陽藏不起君子散亂太山危殆

無註

豐

天官列宿五神舍室宮闕完堅君安其居

無註

旅

左手把水右手把火如光與鬼不可得從

無註

巽

逐狐東山水過我前深不可涉失利後便

無註

兌

水瀆魚室來灌吾邑衝沒我家與狗俱遊

未詳

渙

山險難登澗中多石車馳轉擊重載傷軸擔負善
躓跌踈右足

無註

節

糟空無實豚彘不食庶民屈竭離其居室

糟當作槽

中孚

執熱爛手火為災咎公孫毋賴敗我玉寶

無註

小過

三虎上山更相噬嚙心志不親如仇與怨

無註

既濟

西家嫁子借隣送女嘉我淑姬賓主俱喜

無註

未濟

尅身潔己逢禹巡狩錫我玄圭拜受福祉

書禹貢云禹錫玄圭告厥成功言水土既平禹

以玄圭為贄而告成功于舜也水色黑故圭以

玄云

易林卷第十一

易

林

卷十一

三

中華書局聚

易林卷第十二

二二二坤下兌上萃

蒙慶受福有所獲得不利出城病人困棘

無註

之乾

碩鼠四足飛不上屋顏氏淵德未有爵祿

無註

坤

新受大喜福履重職樂且日富

無註

屯

剋身整己逢禹巡狩錫我玄珪拜受福祉

書禹貢云禹錫玄圭告厥成功言水土既平禹

以玄圭為贄而告成功于舜也水色黑故圭以

玄云

蒙

置筐失筮輪破無輔家伯為政病我下土

家伯周幽王臣詩十月之交四章云家伯為宰

又云豔妻煽方處言由小人用事於外嬖妾蠱

惑於內

需

機言不發頑不能達齊魯為仇亡我葵丘

按春秋僖公九年諸侯盟于葵丘曰凡我同盟之人既盟之後言歸于好二十六年齊人侵魯西鄙魯以楚師伐齊取穀竟亡葵丘之好

訟

亡錐失斧公輸無輔抱其彝器適君子處

公輸子名班魯之巧人也

師

家在海隅橈短深流伯氏難行無目以趨

無註

比

德施流行利之四鄉雨師灑道風伯逐殃巡狩封禪以告成功

巡狩天子巡行諸侯所守之地封禪封土為壇除地為禪古者帝王之興每易位而起必封乎泰山所以告成功也

小畜

筐傾筥覆喪我公粒簡伯無禮太師正食

未詳

履

泥滓汗辱棄捐溝瀆為衆所笑終不顯祿

無註

泰

獼猴兔走腥臊少肉漏卮承酒利無所得

無註

否

鹿畏人藏俱入深谷命短不長為虎所得死於牙

腹

無註

同人

南山蘭芝君子所有東家淑女生我玉寶

蘭香草芝靈草也

大有

左指右揮邪佞侈靡執節無良靈君以士

按左傳陳靈公通于夏姬遂為徵舒所害

謙

鬱悒不明為濕所傷衆陰羣聚共奪日光

無註

豫

易

穿鼻繫棘為虎所拘王母祝福禍不成災突然脫來

無註

隨

貧鬼守門日破我盆毀鬢傷釭空虛無子

無註

蠱

襄王束帶鄭人是賴莊公卿士皇母憂苦

束當作叔襄王周惠王太子名鄭叔帶襄王之弟惠后之子有寵於惠后欲立叔帶故襄王避其難出居于鄭莊公為王卿士皇母即惠后也

臨

昭君死國諸夏蒙德異類既同宗我王室

無註

觀

冬藪枯腐常風於道蒙被塵埃左右勞苦

無註

噬嗑

六爻既立神明喜告文定吉祥康叔受福

按史康叔名封周武王同母少弟也周公誅武

庚以殷餘民封康叔於衛作康誥酒誥梓材以命之康叔之國民大說成王用事舉康叔為周司寇賜衛寶祭器

賁

泣涕長訣我心不快遠送衛野歸寧無子

詩燕燕篇云之子于歸遠送于野瞻望弗及泣涕如雨傳云衛莊姜送戴嬀歸于陳而作也

剝

三宿無主南行勞苦東里失利喪其珍寶

無註

復

大斧破木讒佞敗國東閭梁王禍及三子晉人亂

危懷公出走

按春秋傳晉獻公三子申生重耳夷吾也獻公聽驪姬之讒殺申生重耳奔蒲夷吾奔屈懷公夷吾子也僖公二十三年自秦逃歸嗣立明年文公立遂出之

无妄

乘風上天為時服軒周旋萬里無有患難

無註

大畜

大樹百根北與山連文君作人受福萬年

詩云周王壽考遐不作人又曰豈弟君子遐不作人蓋言文王能變化鼓舞振作天下之人而人歸之故受此萬年之福也

頤

陽伏在下陰制祐福生不逢時潛龍隱處

無註

大過

亂頭多憂搔虱生愁膳夫仲尹使我無聊

詩十月之交云仲允膳夫膳夫上士掌王之飲食膳饜者也

坎

江河淮海天之都市商人受福國家富有

無註

離

太山幽谷鳳皇遊宿威儀有敘可以來福

泰山五嶽之東嶽也五經通義一名岱宗王者受命易姓報功告成必於岱宗也東方萬物始交代之處

咸

山水暴怒壞梁折柱稽難行旅留連愁苦

無註

恆

阿衡服箱太一載行巡時歷舍所之吉昌

阿衡伊尹號太一星名

遯

三宿無主南行勞苦東里失利喪其珍寶

無註

大壯

生無父母出門不喜買菽失粟亡我大乘

無註

晉

安坐玉堂聽樂行觴飲福萬歲日受無疆一云安

坐北堂終夕舉觴福祿卒歲日受無疆

無註

明夷

登危入厄四時變易春霜變雪物皆凋落

無註

家人

易

衣穴履穿無以禦寒細小貧窶不能自存

無註

睽

目不可合憂來搔足悚惕恐懼去其邦域

無註

蹇

齎貝贖狸不聽我辭繫於虎鬚牽不得來

無註

解

伯夷叔齊貞廉之師以德防患憂禍不存聲芳後

時

武王伐紂伯夷叔齊扣馬而諫其後武王得天

下不食周粟而死孔子曰伯夷叔齊餓於首陽

之下民到于今稱之

損

張王子季爭財相制商君頑嚚不知所申

衛鞅說秦孝公變法令立徙木之信孝公大說

封鞅商於十五邑號曰商君心不則德義之經

為頑口不道忠信之言為嚚

益

長城既立四夷賓服交和結好昭君受福
史記秦始皇遣蒙恬北監軍於上郡築長城以
遏胡虜而四海混一

夬

千權萬悅舉事為決獲受嘉慶動作有得

無註

邁

種一得十日益有息仁政獲民四國睦親

無註

升

安子富有東國不殃齊鄭和親顯比以喜

無註

困

九里十山道仰峻難牛馬不前復反來還

無註

井

鳩杖扶老衣食百口增添壽考凶惡不起一二云鳩

杖扶身富及其鄰子孫壽考慶吊不親

老人食多咽故刻杖為鳩取鳩食不咽之義出

白帖

革

霧露雪霜日暗不明陰孽為疾年穀大傷一二云不見日月霧臨霜雪年穀不登餼糧日絕

無註

鼎

迷行數邪不知東西陰強暴逆道理不通

無註

震

登高上山見王自言信理我寃得職蒙恩

無註

艮

三世為德天祚以國封建少昊魯侯之福

無註

漸

橋木無息漢女難得橘柚請佩反手難悔

橋當作喬詩漢廣南有喬木不可休息漢有游女不可求思言文王之化被于南國有以變其淫亂之俗女子以端莊自守故詩人美之

歸妹

東鄰西家來即我謀中告吉誠使君安寧

豐

無註

褰衣出戶心欲北走王孫母驚使我長生

無註

旅

三日不飲遠水無酒晝夜焦喉傷鬼為咎

無註

巽

衆口銷金愆言不驗腐臭敗兔入市不售

無註

兌

姬冠應門與伯爭言東家失狗意我不存爭亂忘

因絕其所權

無註

渙

祚加明德興我周國公劉文母福流子孫一二云祚

周福魯

公劉后稷之曾孫太王公劉之九世孫公劉雖

在戎狄之間復修后稷之業百姓懷之周道之

興實自此始

易

林 卷十一

六一中華書局聚

節

針頭刺手百病瘳愈抑按捫灸死人復起

捫音門灸音久

中孚

元龜象齒大賂為寶稽疑當否衰微復起

詩泮水篇元龜象齒大賂南金

小過

故室舊廬消散無餘不如新創可以樂居

無註

既濟

老狐多態行為蠱怪驚我主母終無咎悔

狐妖獸也

未濟

愛子多才起跡空虚避害如神水不能濡

無註

一一二 巽下坤上升

禹鑿龍門通利水泉東注滄海民得安全

龍門按書禹貢屬雍州在今馮翊夏陽縣以下

皆言禹治水之功

之乾

白鹿鳴呦呼其老小喜彼茂草樂我君子

詩小雅呦呦鹿鳴食野之萍又云以燕樂嘉賓

之心

坤

百里南行雖微得明去虞適秦為穆國卿

百里奚虞人也知虞之將亡遂去適秦相穆公

遂霸西戎

屯

王宜孫喜張名益有龍子善行西得大壽

未詳

蒙

畫龍頭頸文章不成所求不得失利後時

無註

需

商子無良相怨一方引剛交爭咎自以當

無註

訟

衰老困極無齒不食痔病瘡瘵就陰為室

無註

小畜

易

牛驥同槽郭氏以亡國破為虛君奔走逃

按胡傳莊公二十四年齊桓公問郭父老曰郭何以亡父老曰見善而不能舉惡而不能去所以亡

比

安平不傾載福長生君子以寧

無註

師

鳶生會稽稍巨能飛翱翔桂林為衆鳥雄

會稽桂林皆地名

履

日中明德盛興兩國仁聖會遇君受其福臣多榮

祿

無註

泰

公劉之居太王所業可以長生拜受福爵

公劉后稷之曾孫太王公劉九世孫公劉雖在戎狄之間復修后稷之業百姓懷之周道之興實自此始至太王復修后稷公劉之業積德行義國人皆戴之

否

時凋歲霜君子疾病宗女無辜鄭受其殃

未詳

同人

濟河踰阨脫母怵惕四叔為衛使惠不廢

漢高祖屢欲易太子呂后患之強要張良畫計
良曰帝所不能至者四人夏黃公東園公綺里
季角里先生卑辭厚禮聘之來則使從太子入
侍此一助也高后從其謀由是得不廢後立為
惠帝

大有

缺破不完殘瘵側偏公孫幽逼跂踣後門

無註

謙

延頸遠望昧為目病不見叔姬使伯憂心

無註

豫

上無飛鳥下無走獸擾亂未清民勞於事

無註

隨

易

久陰霖雨塗行泥潦商人休止布空無有

布當作市

蠱

盲者張目跛躄起行瞻望日月與王相迎

無註

臨

據斗運樞高步六虛權既在手寰宇可驅國大無

憂與樂並居

斗北斗星名北極五星其紐天之樞也

觀

稼穡不偏重過不傾巧言賊忠傷我申生

春秋晉獻公嬖驪姬驪姬欲立其子奚齊譖毀

羣公子及世子申生

噬嗑

金城鐵郭上下同力政平民親寇不敢賊

無註

賁

目鏡不明冬災大傷盜華失實十年消亡

未詳

剝

鰥寡孤獨命祿苦薄入室無妻武子悲哀

按春秋魯襄公二十五年崔武子欲娶棠姜筮之其繇曰入其宮不見其妻凶

復

飲酒醉飽跳起爭鬪伯喪叔僵東家治喪

無註

无妄

介紹微子使君不殆二國合權燕齊以安

史記蘇秦說燕易王曰臣居燕不能使燕重而在齊則燕重易王許之乃僞得罪於燕而奔齊齊宣王以爲客卿蘇秦說齊王高宮室大苑囿以明得意欲以敝齊而爲燕

大畜

牽牛繫尾詘折幾死雕世無仁不知所在

無註

頤

東龍冤獨不知所觸南北困窮王子危急

無註

大過

疾貧王孫北陸無禫祿命苦薄兩事孤門

易

林卷十一

九一中華書局聚

無註

坎

公孫駕驪載遊東齊延陵說產遺季苧衣

驪當作驪左傳鄭大夫子產吳公子季札嘗聘鄭與子產相得子產以紵衣獻季札

離

王良善御伯樂知馬文王東獵獲喜聖事開福祐賢周發興起

王良古之善御者伯樂古之善相馬者此喻文王知太公之意按史呂望姓姜年八十餘釣于渭水西伯出獵載之以歸尊為太公武王立為師遂伐紂有天下發武王名

咸

日月不居重耳趨舍遊燕入秦晉國是霸

重耳晉文公名以驪姬之讒初奔翟後入秦在外十九年僖公二十四年入晉是為文公遂霸諸侯

恆

假文翰翼隨風偕北至虞夏國興愛相得年歲大樂邑無盜賊

虞舜帝國號夏大禹國號

遯

南行無遯延頸後食舉止失利累為我孫

無註

大壯

開元作喜建造利事平準貨寶海內殷富

無註

晉

三犬俱走鬪於谷口白鷺不勝死於阪下

無註

明夷

驕胡大形造惡作凶無所能成還自滅身

一作驕胡犬形義通

家人

拜跪贊辭無益於尤大夫頑囂使我生憂

無註

睽

辰以降婁王駕巡狩廣祐施惠萬國咸喜

降婁宿名戌分巡狩天子巡行諸侯所守之地

也

易

林卷十二

十一中華書局聚

蹇

牽鞬上樓與福俱居勞躬治國安樂無憂

鞬音俞牡羊左傳專之鞬註美也

解

白鳥銜餌嗚呼其子挾施張翅來從其母

無註

損

盲瞽獨宿莫與共食老窮於人病在心腹

無註

益

登木出淵稍上升天明德孔聖白日載榮

無註

夫

彭離濟東遷廢上庸佷戾無節失其寵功

彭越從漢屢立大功封梁王及陳豨反於代徵

兵梁王梁王稱病不往高帝怒使人讓之梁王

恐欲自往謝其將扈輒止之勸王反梁王不聽

遂為太僕所告漢帝使使掩捕梁王囚之後赦

處蜀

薄

讚陽上舞神明生氣拜禹受福君施我德
無註

萃

從首至足部分爲六室家離散逐南乞食
無註

困

民迷失道亂我統紀空使乾革實無所有
無註

井

刻畫爲飾嫫母無鹽毛嬙西施求事必得
嫫母無鹽婦人貌之醜惡者毛嬙卽西施貌之
美好者

革

居諸日月御暗不明長夜喪中絕其紀綱
詩日月篇日居月諸照臨下土

鼎

衣裳顛倒爲王來呼成就東國封受大休
齊詩云顛倒衣裳又云自公召之

震

當變立權擿解患難渙然冰釋六國以寧

易

林卷十一

十一中華書局聚

無註

良

西戎獯鬻病於我國扶陝之岐以保乾德

獯鬻狄人名周太王避狄人之難遷于岐山之

下居焉

漸

南行逐羊子利喜亡陰孽為病復反其邦

無註

歸妹

游戲仁德日益有福凶言不至妖孽滅息

無註

豐

春日新婚就陽曰温喜樂萬歲獲福有年一二云獲

福大椿

無註

旅

陰升陽伏舜失其室相飾不食安巢如棘

無註

巽

臣尊土卑威權日衰侵奪無光二家逐公

春秋昭公二十五年九月戊戌伐季氏叔孫氏
孟氏救之三家反攻公己亥公遜于齊次于陽
州

兌

反言爲殘戎女生患亂吾家國父子相賊

春秋左傳晉獻公嬖驪姬驪姬欲立其子奚齊
賂外嬖梁五東闕嬖五譖毀羣公子及世子申
生

渙

迎福開戶喜隨我後康伯愷悌治民以禮

康伯卽康侯之義周易晉卦曰康侯用錫馬蕃
庶註云康侯者治安之侯也

節

日就月將昭明有功靈臺歡賞膠鼓作人

靈臺文王臺名古者天子有靈臺所以觀祲象
望雲物

中孚

百草嘉卉萌芽將出昆蟲扶戶陽明得所

無註

小過

易

林 卷十一

十二中華書局聚

天所祐助萬國日有福至禍去壽命長久

無註

既濟

窮夫失居惟守弊廬初憂中懼惟日兢兢無悔無

虞

無註

未濟

買玉得石失其所欲荷蕢擊磬隱世無聲

語云子擊磬於衛有荷蕢而過孔氏之門者曰

有心哉擊磬乎荷蕢隱士也

二二坎下兌上困

席多針刺不可以臥動而有悔言行俱過

無註

之乾

烏鵲食穀張口受哺蒙被恩德長大成就柔順利

貞君臣合好

無註

坤

六鷁退飛為襄敗祥陳師合戰右股夷傷遂以薨

崩霸功不終

春秋僖公十六年正月六鷁退飛過宋都二十二年十一月宋公及楚人戰于泓宋師敗績公傷股二十三年五月公卒傷於泓故也

屯

匍匐出走驚惶悼恐白虎王孫蓐收在後居中無

咎

無註

蒙

庇盧不明使孔德妨女孽亂國虐政傷仁

孔子為政於魯齊人聞之懼饋女樂以沮之季

桓子受之不聽政

需

石鼠四足不能上屋顏氏淑德未有爵祿

無註

訟

襄送季女至于蕩道齊子曰夕夕久留連處

季女齊子齊襄公妹魯桓公夫人也桓公十八

年公與夫人姜氏如齊詩云魯道有蕩齊子庸

止

師

易

麋鹿逐牧飽歸其居還反次舍樂得自如

無註

比

望尚阿衡太宰周公藩屏湯武立為侯王

望太公呂尚也阿衡伊尹也太宰官名周公為

太宰

小畜

開廓洪緒王迹所基報以八子功得侯時

春秋定公四年傳云武王之母弟八人周公為

太宰康叔為司空五叔無官五叔

即管蔡成霍毛也周定鼎郊廓卜年七百卜世

三十

履

八會大都饒富有餘安民利國可以長居

無註

泰

陰雲四方日在中央人雖昏霧我獨昭明

無註

否

薄為災虐風吹雲却欲上不得復歸其宅

無註

同人

昭昭略略非忠信客言語反覆以黑為白

無註

大有

二女為姦俱游高園背室夜行與伯笑言禍及乃身冤死誰禱

無註

謙

涉尸留鬼大斧所視文昌司過簡公亂死

按春秋魯哀公十四年齊陳恆執簡公于舒州遂死焉

豫

大足長股利出行道困倉充盈疎齒善市宜錢富家事得萬倍

無註

隨

筐筥錡釜可活百口伊氏鼎俎大福所起

按史記伊尹負鼎俎以滋味說湯致於王道

易

易

升高登虛欲有望候駕之北邑與喜相扶

無註

臨

用彼嘉賓政平且均螟蟲不作民得安寧

無註

觀

桃夭少葉婚說宜家君子樂胥長利止居

詩周南桃夭篇桃之夭夭灼灼其華

噬嗑

東行失旅不知所處西歸無妃莫與笑語

無註

賁

玩好亂目巧聲迷耳賊敗貞良君受其咎

無註

剝

明德孔嘉萬歲無虧駕龍巡狩王得安所

唐虞天子五載一巡狩職方氏先戒四方諸侯

曰各脩平乃守考乃職事無敢不敬

復

同本異葉樂仁上德東鄰慕義來興吾國

無註

无妄

戴山崔嵬曰高無頽君主我德賜以家國

無註

大畜

築室合權千里無患周公萬年祐我二人

周書洛誥曰我二人共貞公其以予億萬年敬

天之休

頤

養雞生雛畜馬得駒明堂太學君子所居

無註

大過

雷行相逐無有休息戰於平陸為夷所覆

無註

坎

委蛇循河北至海涯涉歷要荒君世無他

無註

離

鴻聲大視高舉神化背昧向明以道福功

無註

易

林卷十一

五中華書局聚

咸

比目四翼來安吾國福喜上堂與我同床

無註

恆

先穀彘季反謀桓子子從元帥遂行挑戰為荆所敗

先穀彘季晉臣名桓子晉荀林父也魯宣公十二年楚子圍鄭晉師救之荀林父將中軍先穀佐之及河聞鄭與楚平桓子欲還彘子曰不可曰子為元帥師不用命誰之罪也遂請挑戰晉師敗績

遯

三頭六足欲盜東國顏子在邇禍滅不成

無註

大壯

緣山升木中墜於谷子輿失勞黃鳥哀作

詩黃鳥子車秦三良子輿即子車

晉

南有嘉魚駕黃取鱗魴鯉瀾瀾利來無憂

詩小雅南有嘉魚篇傳云嘉魚鯉質鱗鯽肌出

河南之丙穴

明夷

邃氣作雲蒙覆大君塞聰蔽明殷人賈傷

無註

家人

舉翅擴翼跂望南國延頸郤縮未有所得

無註

睽

坎中蝦蟆乍盈乍虛三夕一朝形消無餘

無註

蹇

僮子射御不知所定質疑著龜孰知所避國安土

樂宜利止居兵寇不至民無搔擾

著所以筮龜所以卜

解

陰淫寒疾水離其室舟楫大作傷害黍稷民飢於

食不無病厄

無註

損

離友絕朋巧言讒匿覆白汚玉顏叔哀哭

易

林卷十一

共一中華書局聚

未詳

益

童女無媒不宜動搖安其室盧傅母何憂

無註

夬

作凶作患北檄困貧東與禍連傷我老根

無註

邁

東南其戶風雨不處曠晚仁人父子相保

無註

萃

被髮獸心難與比鄰來如飄風去如絕絃為狼所

殘

無註

升

天覆地載日月運照陰陽允作方內四富

無註

井

桀亂無道民散不聚背室棄家君孤出走

夏桀暴戾湯伐之放於南巢而死

革

申酉稷射陰慝萌作柯葭載牧泥塗不白

無註

鼎

蹀踵足傷右指病瘍失旅後時利走不來

無註

震

四足俱走駑疲在後戰既不勝敗於東野

無註

艮

塗行破車醜女無媒莫適為偶孤困獨居

無註

漸

搏髀大笑不知憂懼開立大路為主所召

無註

歸妹

伯主東行與利相逢出既遭昧孰不相知憂不成

凶

無註

豐

易

東行賊家鄭伯失辭國無貞良居受其殃

無註

旅

前屈後曲形體飭急絞黑大索困於清室

無註

巽

鼓腋大喜行婚飲酒嘉彼諸姜樂我皇考

無註

兌

國將有事狐嘈向城三日悲鳴邑主大驚

無註

渙

明德剋敏重華貢舉放勳徵用公哲蒙祐

書舜典曰若稽古帝舜曰重華協于帝濬哲文

明温恭允塞玄德升聞乃命以位放勳者總言

堯之德業也

節

秋隼冬翔數被嚴霜甲兵充庭萬物不生雄父夜

鳴民大擾驚

無註

中孚

絲紵布帛人所衣服摻摻女手紡績善織南國饒足取之有息

無註

小過

鳳有十子同巢共母仁聖在位權以相保興彼周魯

鳳靈鳥太平之世則見文王時鳴於岐山魯周公之後

既濟

雄雞不晨雌鳴且伸志庇心離三旅出哀

書牧誓牝雞無晨牝雞之晨惟家之索

未濟

光祀春成陳寶雞鳴陽鳥失道不能自守消亡無咎舉事不成自取凶咎

按秦紀索隱註曰漢書郊祀志云文公獲若石

云于陳倉北坂城祠之其神來若雄雉其聲殷

殷云野雞夜鳴以牢祠之號曰陳寶又臣瓚云

陳倉縣有寶夫人祠歲與葉君神會祭于此者也

二二二巽下坎上井

躓跛未起失利後市不得鹿子

無註

之乾

左輔右弼金玉滿堂常盈不亡富如敖倉

無註

坤

雨師娶婦黃巖季子相呼而歸潤澤田里

博物志曰太公為灌壇令武王夢婦人當道夜

哭問之曰吾是東海神女嫁於西海神童今為

灌壇令當道廢我行我必有疾風暴雨從太公邑外過

覺召太公問之果有疾風暴雨從太公邑外過

屯

螟蟲為賊害我稼穡盡禾殫麥秋無所得

無註

蒙

跛躓難步遲不及舍露宿澤陂亡其襦袴

跛波上聲躓音壁

需

大夫行父無地不涉為吾相土莫如韓樂可以居

止長安富有一二云游行諸國莫若居韓相士既沃可以長安

詩韓奕詩云蹶父孔武靡國不到爲韓姑相攸莫如韓樂

認

少孤無父長失慈母悻悻熒熒莫與爲福

無註

師

側弁醉客重舌作凶披髮夜行迷亂相誤亡失居止一二云醉客酩酊披髮夜行迷亂失所安識第邑詩賓之初筵是日既醉不知其郵側弁之俄

比

馬驚破處王孫沉溝身死魂去自爲患害

無註

小畜

東行述職征討不服侵齊伐陳銜璧爲臣大得意還

春秋魯僖公六年楚子圍許許男面縛銜璧侵齊伐陳未詳

履

易

百足俱行相輔為強二聖翼事王室寵光

三聖堯舜禹也

泰

本根不固華葉落去更為孤嫗

無註

否

牧羊稻園聞虎喧喧畏懼休息終無禍焉

無註

同人

履位乘勢靡有絕蔽為隸所圖與眾庶位

無註

大有

大輿多塵小人傷賢皇甫司徒使君失家

詩十月之交云皇父卿士番維司徒皆周幽王

臣小人也卒至幽王失國古文甫與父通用

謙

安和太山福祐屢臻雖有狼虎不能危身

無註

豫

同氣異門各別東西南與凶遇北傷其孫一云同

氣異門一東一西兄弟受禍子孫必凶

無註

隨

蜺見不祥禍起我鄉行人畏亡使命不通一二云行人畏懼邑客逃藏

蜺爾雅云縊女郭璞註小黑虫也

蠱

無事召禍自取災殃畜狼養虎必見賊傷

無註

臨

順風吹火牽騎驥尾易為功力因權受福

無註

觀

五嶽四瀆霑濡為德行不失理民賴恩福

五嶽山名四瀆江河淮濟

噬嗑

延陵聰敏樂聽太史雞鳴大國姜氏受福

按春秋傳延陵季子適魯觀樂於太史詩齊雞

鳴思賢妃也

賁

易

神鳥五色鳳凰為主集於王谷使君得所一云國有禎祥鳳凰來集時稱太平以後齊急

無註

剝

媒妁先明雖期不得齊女長子亂其紀綱一云齊女長子失其紀綱雖有先媒必竟不來

春秋桓公十八年公與夫人姜氏如齊申繻曰女有家男有室謂之有禮易此必敗

復

明月作晝大人失居衆星霄亂不知所據

無註

无妄

少康興起誅澆復祖微滅復明大禹享祀一云微

滅却光享祀大禹

夏少康誅滅澆歸故都即位夏道復興

大畜

千門萬戶大福所處黃屋左纛龍德獨有

無註

頤

乾作聖男坤為智女配合既成長生得所

無註

大過

羿張烏號，馘歟驚狼，鍾鼓夜鳴，將軍壯心，趙國雄
勇，鬪死榮陽。

羿后羿善射，烏號弓名，榮當作榮。

坎

炙魚銅斗，張伺夜鼠，不忍香味，機發為祟，祟在頸
頭，竿不得去。

無註

離

高飛不視，貪叨所在，臭腐為患，自害躬身，一云竊
位貪榮，內濁外清，時時暫遇，日日禍生。

無註

咸

鉛刀攻玉，堅不可得，單盡我力，齒為疾賊。

無註

恆

方喙宣口，聖知仁厚，釋解倒懸，家國大安。

方喙宣口，前小畜之噬嗑，作方喙，廣口義通。

遯

易

踟躕南北誤入喪國杜季利兵傷我心腹

無註

大壯

公孫之政惠而不煩喬子相國終身無患

喬當作僑公孫僑子產也相鄭國有惠政

晉

弧矢大張道絕不通小人寇賊君子壅塞

無註

明夷

藏戟之室封豕受福充澤肥脂子孫蕃息

無註

家人

八子同巢心勞相思雖苦無憂

無註

睽

循理舉手舉求取予六體相摩終無咎殃

無註

蹇

王子公孫把絃攝丸發輒有獲家室饒足

無註

解

井者有悔渴蛻為怪不亟徙鄉家受其殃

無註

損

鄭會細 國亂失頃弘明早見止樂不聽

未詳

益

穿室鑿牆不直生訟褰衣涉露雖勞無功

無註

夬

脫卵免乳長大成就君子萬年動有利得

無註

遯

五心乖離各引是非莫適為主道路塞壅

無註

萃

百柱載梁千歲不僵大願輔福文武以昌

武王勝殷封同姓諸侯以輔周室

升

營城洛邑周公所作世逮三十年歷七百福祐封

易

林 卷十一

三一中華書局聚

實堅固不落

周公作洛邑定鼎於郊鄴卜曰傳世三十歷年七百出史記

困

牛耳聾蔽不曉聲味委以鼎俎方始亂潰

無註

革

從叔旅行食於東昌嘉伯悅喜與我芝香

無註

鼎

訾姬開門鶴鳴彈冠文章進用舞韶和鸞三仁翼政國無災殃

韶舜樂名和鸞皆鈴也在軾曰和在鑣曰鸞車馬之飾也訾陬開門未詳

震

遊魂六子百木所起三男從父三女隨母至已而反各得其所

易乾坤生六子乾父坤母三男震坎艮三女巽離兌又曰遊魂為變百木所起至已而反未詳

艮

南山蘭茝使君媚好皇女長婦多孫衆子

蘭當作蘭春秋鄭文公有妾曰燕姑夢天與之

蘭曰蘭有國香人服媚之既而文公見之與之

蘭而御之生穆公名之曰蘭

漸

黃虹之野賢君在位榮段為相國無災殃

賢君謂齊桓公榮段前卦作管叔蓋管叔相桓

公以霸諸侯之事

歸妹

穿鑿道路為君除舍開闢福門喜在我隣

無註

豐

商風數起天下昏晦旱魃為虐九土兵作

商傷也其氣道勁彫落萬物

旅

自衛歸魯時不我與冰炭異室仁道隔塞

孔子當周之季自衛反魯

巽

原本空文

兌

易

一珍做宋版

六蛇奔走俱入茂草驚於長注畏懼啄口

無註

節

避蛇東走反入虎口制於爪牙骨為灰土

無註

中孚

頃送不行弱足善僵孟絜無良失其寵光

春秋魯昭公二十年齊豹盜殺衛侯之兄孟絜

琴張將往吊之仲尼曰齊豹之盜孟絜之賊汝

何吊焉

小過

十羊俱見黃頭為首歲美民安國樂無咎

無註

既濟

望風入門來到我隣鋪吾養均

無註

未濟

登高車反視天彌遠虎口不張害賊消亡

無註

易林卷第十二